

THE REVELATION OF ST. JOHN THE DIVINE

1 ¹ Bik'ehgo'ihí'nań yunáásyú hago ágonéh shíhíí Jesus yíł ch'í'nah ágóláa, Jesus bánada'iziidíí bich'í' ch'í'nah áiléhíí bighą; bána'iziidi, John holzéhi, yich'í' na'ágole'go yaaká'dí' binal'a'á John yich'í' oyiił'á: ²John, Bik'ehgo'ihí'nań biyati'íí, ła'íí Jesus Christ hant'é nii lán shíhíí, ła'íí hadíí dahot'éhé yo'íí lán shíhíí yaa nagosni'. ³Hadín yunáásyú hago ágonéhi baa na'goni'íí yozhííhíí, ła'íí hadín daidezts'aaníí biyaa daagozhqó doleeł, ła'íí díí k'e'eshchiiníí daayota'íí ałdó' biyaa daagozhqó doleeł: iłk'idá' biká' nagowaahíí bighą. ⁴Shíí, John nshłíni, Asiayú ínashood ha'ánáséhíí gots'idiyú nagoznili bich'í' k'e'eshchii: Nliiníí, nlii n'íí, dogáti, án bits'ą'dí' iłgoch'oba'íí ła'íí iłch'í'gont'ééhíí bee nohwich'í' goz'ąą le'; ła'íí Spirits gots'idi Bik'ehgo'ihí'nań nant'aago dahsdaagee bádíh nadaaziiníí bits'ą'dí'; ⁵Ła'íí Jesus Christ da'aniigo aanagolni'íí, nanezna'íí bitahdí' dantsé nágosdłíni, ni'gosdzán biká' nnee nadaant'aahíí yá nant'áhi ałdó' bits'ą'dí', iłgoch'oba'íí hik'e iłch'í'gont'ééhíí bee nohwich'í' goz'ąą le'. án bił daanioogo nohwinch'í' ąął nohwá táyizgiz bidíí bee, ⁶Áń nant'án ádaanohwizlaa, ła'íí biTaa, Bik'ehgo'ihí'nań, bi'okąąh yebik'ehgo ádaanohwizlaa; án dážhó ba'ahégoš le', dawa yebik'eh le', doo ngonel'ąą dayú dahazhí'. Doleełgo at'éé. ⁷Isąą, yaak'os biyi'dí' nádáh; dakówa daach'íłtséh, hadín bighádaach'isgeedíí ałdó': ni'gosdzán biká' nnee dahot'éhé iłtah at'éégo hadaazt'í'íí án yik'e natídaadindlii doleeł. Da'anii. Doleełgo at'éé. ⁸NohweBik'ehń, nliiníí, nlii n'íí, dogáti, Dák'a'at'éhi, gáníí, Shíí Álpha hik'e Oméga, begodeyáhi hik'e bengont'í' i nshłíi. ⁹Shíí John, nohwik'isn, Jesus binkááyú nohwíł dała' nohwich'í' nadaagont'ogi, hik'e Jesus Christ bilałt'áhgée nohwíł daanshłíni, ła'íí nyee ndi dayúweh bił dahikahi, ni' táyi' dahgoz'ąą Pátmos holzeegee sídáá, Bik'ehgo'ihí'nań biyati'íí hik'e Jesus baa nagoshni'íí bighą. ¹⁰Godilziníí bijíí Holy Spirit shiká'zhí' adzaago, shine'dí' kozhii dážhó adíid dilwoshgo disiits'ąą, bésh dilwoshé áńííhí k'ehgo, ¹¹Gáníigo, Shíí Álpha hik'e Oméga nshłíi, dantséyúhi hik'e iké'yúhi: ádí' gánadí'niigo, Hant'é hí'íiníí naltsoos biyi'

bak'e'ılchíigo Asiayú ha'ánázéhé gots'idiyú nagoznílíí bich'í' ánléh; Éphesus, Smýrna, Pérgamos, Thyatíra, Sárdís, Philadélphia, Laodicéa, díí dawa bich'í' ádaanle'. ¹²Hadínsha' áshiłnii nsigo t'ąazhí' nánishne'. Akú ik'ah kọ'íí biká'dahnásilt'áhi óodo be'alzaahi gots'idiyú odaaz'aago hiłtsaą; ¹³Ik'ah kọ'íí biká' dahnásilt'áhi gots'idiyú odaaz'aahíí iłn'dí' ła' nnee ga'ánolini sizíi, bidiyágéhií bikets'inyú nel'ąą, bízis óodo be'alzaahi dážhó nteeli bitilyú nel'ąągo bínást'í'. ¹⁴Bitsits'in hik'e bitsizíl łigai, dibelíí bighaa dážhó łigai łehíí k'ehgo, zas k'ehgo łigai; binááhíí kọ' yaadiinahíí k'ehgo at'éé. ¹⁵Bikeehíí bésh brass holzéhi, kọ' biyi' hibeezhgo dážhó bik'ena'didlaadhíí k'ehgo at'éé; bizhiihíí tú dážhó łaągo dits'ag łehíí k'ehgo aiłts'ag. ¹⁶Bigan dihe'nazhinéégo ts'ıłsqósé gots'idi dahyonıł: bésh be'idiltishé dá'ılch'izhinéé deníni bizé'dí' há'áá; ła'íí binii'íí ya'ái dážhó bits'ą'idindláád łehíí k'ehgo at'éé. ¹⁷Hiłtsaądá' biyahzhí' nágo' dasiitsaąhíí k'ehgo. Ádí' bigan dihe'nazhinéé bee shiká' ndelniih, gáníigo, Doo néndzid da; shíí dantseyúhi hik'e iké'yúhi nshłıı: ¹⁸Shíí dasiitsaą n'íí naahí'naahíí nshłıı; saą, dahazhí' hinshnaa, Doleelgo at'éé; ch'iidntahíí ła'íí da'itsaahíí bá be'igeęsé nashnil. ¹⁹Hant'é hí'íníí hik'e hago ágót'ıı shıhíí, ła'íí kodí' godezt'ı'go hago ágone' shıhíí bak'e'ılchíí; ²⁰Ts'ıłsqósé gots'idi shigan dihe'nazhinéégo dahishniłgo hinłtsaaníí, hik'e ik'ah kọ'íí biká'dahnásilt'áhi óodo be'alzaahi gots'idyú odaaz'aahíí, doo baa nił ígózı dahíí bígosıńłshıh. Ts'ıłsqósé gots'idihíí Bik'ehgo'ihí'nań binadaal'a'á ha'ánázéh gots'idi yánazını ádaat'ee: ik'ah kọ'íí biká'dahnásilt'áhi gots'idihíí ha'ánázéh gots'idihíí ádaat'ee.

2 ¹Bik'ehgo'ihí'nań binal'a'á Éphesusgee ha'ánázéhíí yásizını bich'í' k'e'ılchíí gánniihgo: Ts'ıłsqósé gots'idi bigan dihe'nazhinéégo dahyonıłıí, ik'ah kọ'íí biká'dahnásilt'áhi óodo be'alzaahi gots'idi yitah naghaahi gáníí, ²Ánánt'ııłıí, nyeego na'izıdıí, nyee ndi bidag ánt'ééhíí bígonsı, nnee ncho'go ádaat'eehíí nił daanchọ': ła'íí Bik'ehgo'ihí'nań binal'a'á daandlıı, daanii ndi doo áı daanlıı dahíí, léda'ılchoogo ádaaniigo bídaagosıńłsııdgo bígonsı aldo': ³Nyee ndi bınenl'ąá, ła'íí bidag ánt'ee, ła'íí shizhi'híí bigha nyeego na'izıd ni', t'ah doo hwahá baa nakaad dago bígonsı. ⁴Da'ágát'éé ndi díí dała'á be'ánt'ééhíí doo shıł nzhọq da, dantsédá' nił'ııjọq n'íí bits'ą' nnyaahíí bigha. ⁵Hadí' gódah ch'ínkaad łań shı bínánłniłgo t'ąazhí' nádndángo, dantsédá' ánt'ee n'íí k'ehgo ánánłléh; dahyúgohíí dagoshch'ı' naa nshángo, ni'ik'ah kọ'íí biká'dahnásilt'áhi naadıshıł, doo t'ąazhí' nádndzaa dayúgo. ⁶Ádá' díí zhá nł'éhi be'ánt'ee, Nicoláitans daanlíni bíat'e' nił daanchọ', shıí aldo' shıł ncho'. ⁷Hadín bijeyi' golıńıí, Spirit ha'ánázéh nagoznılíí hant'é yiłniihíí yíyést'saą le'; Hadín dawa yitis siliinií Bik'ehgo'ihí'nań bidážhó gózhọq goz'ąa yune' ch'il be'ihí'náhi sikaadıí baa dahnaznılíí yiyaągo baa godidish'aał. ⁸Bik'ehgo'ihí'nań binal'a'á Smýrnagee ha'ánázéhíí yásizını bich'í' k'e'ılchíí gánniihgo; Dantséyúhi hik'e iké'yúhi nłını, daztsaą ndi naahí'na'i nłını gáníí; ⁹Ánánt'ııłıí, nich'ı' nadaagont'og,

10 ła'íi tént'iyégo bígonsi, (ndi hánldzil); ła', Jews daandlii, daanii ndi doo áí daanlii da, daazhógo ádaadil'iggo bígonsi, áí Satan yá ła'a'ánát'íihi daanlii. 10 K'ad bee niniigodilne'íi doo béndzid da: nohwíi ła' ch'iidn nant'án ha'ánohwiłkaad, nanohwídaantaago; goneznan iskaqzhi' goyéé'go nohwich'í nagowaa doleeł: ni'odla'íi bee sínzii dasíntsaqzhi', áík'ehgo dahazhi' ihi'ná naa dish'aal, gonneegee **ch'ah** hobiihíi k'ehgo. 11 Hadín bijeyi' golínií, Spirit ha'ánázéh nagoznílií hant'é yilniihíi yíyésts'aa le'; Hadín dawa yitis siliinií nakidngee danáá'itsaahíi doo bee baa gowáh da. 12 Bik'ehgo'ihí'nań binal'a'á Pérgamosgee ha'ánázéhíi yásizini bich'í' k'e'ılchíi gánniihgo; Bibéshbe'idiltkshé dá ilch'izhinéé deníni golínihíi gáníi; 13 Anánt'íihíi, hayú gonlínií bígonsi, Satan nant'áago dahsdaayú: shizhi'íi nlt'éégo hontaq'go bee nanna na ni', Antipas, nlt'éégo shá át'éhihi, nohwitahyú, Satan golíiyú, zesdiidá' ndi shondlaanií doo yó'ogodín'aa da ni'. 14 Da'ágát'éé ndi díi zhá be'ánt'ééhíi doo shil nzhq da, aigee ła' Bálaam ilch'igon'áni bil daanzhóqgo daayotá', án Bálak Israel hat'íi nchq'go ádaane'go doleełi yil ch'ígó'aahgo da'okaqahgo hidán nadn'ái yaa hasnil n'íi daayiyaa doleełgo, ła'íi nant'í' nadaakaigo yil ch'ígón'áq. 15 Aigee addó' ła' Nicoláitans bil ch'ídaagos'áni bil daanzhóqgo daayotá', áí dážhó shil nchq'i. 16 Ninchq'íi bits'q'zhi' ádníne'; dahyúgohíi dagoshch'í' naa nsháhgo sizé'dí' béshbe'idiltkshé bee bil nadaagonskaad. 17 Hadín bijeyi' golínií, Spirit ha'ánázéh nagoznílií hant'é yilniihíi yíyésts'aa le'; Hadín dawa yitis siliinií bań, mána holzéhi, nanl'í' n'íi ła' bá daadi'dishné', tséé ligai bizhi' ániúdehi biká' dahgoz'áni baa dish'aal, áí dahgoz'aanií baa hit'áanií zhá yígółsi. 18 Bik'ehgo'ihí'nań binal'a'á Thyatíreege ha'ánázéhíi yásizini bich'í' k'e'ılchíi gánniihgo; Bik'ehgo'ihí'nań biYe', bináa kq' yaadiinahií k'ehgo at'éhi, bikeehíi bésh, brass holzéhi, dážhó bik'ena'didlaadhíi k'ehgo at'éhi gáníi; 19 Anánt'íihíi bígonsi, ni'ijóóníi, shána'iziidíi, ni'odla'íi, nyee ndi bidag ánt'ééhíi; ntsedá' anánt'íidíi bitisgo anánt'íilgo nígonsi. 20 Da'ágát'éé ndi díi zhá be'ánt'ééhíi doo shil nzhq da, isdzán, Jézebel holzéhi, Bik'ehgo'ihí'nań binkááyú na'iziidíi ádiłdi'níhi, shánada'iziidi nant'í' nadaakaigo yil ch'ígó'aah ndi doo nt'é bilnii da, ła'íi shánada'iziidíi da'okaqahgo hidán nadn'ái yaa hasnilíi daayiyaa doleełgo yil ch'ígó'aah ndi doo nt'é bilnii da. 21 Nant'í' naghaahíi yits'ágháhgo baa godini'áq; ndi doo yits'ányáa da. 22 Ái bigha án dińíhgo ashle', ła'íi hadíi yil nant'í' naskaihií dážhó góyéé'go bich'í' nagowaago ashle', nant'í' nakaihií doo yits'ákáh da lék'eyúgo. 23 Bichagháshé nadaanne'go ashle'; ła'íi ha'ánáséhíi dawa shídaagołsi doleeł, shíi konatsekees yígółsiníi hik'e kojíi yune' go'iinií nshíi: dała'a' notijgo hant'é ádaasolaahíi dávik'ehyú nohwich'í' nada'ishniil doleeł. 24 Áidá' nohwihíi hik'e Thyatíreege daagonohíinií ła'ihíi, áí ilch'ígót'aahíi doo bikísk'eh ádaanoht'ee dahíi, Satan bi'at'e' k'ehgo aná'ol'íihíi dážhó nchq'go daalch'iniihíi, nohwíi ła' t'ah doo hwaa bídaagono'ah dahíi, doo nt'é be'ánadaahne' nohwildishnií da. 25 Díi zhá, hant'é bee nohwil ch'ígót'aanií ndzilgo daahohtá', nánsdzaazhi'. 26 Hadín dawahá yitis siliinií, ła'íi nnágódzáazhi' hago anásht'íihíi bikísk'eh

at'éehíí, nnee binant'a' dała'áhíí il'aniyú naznılıí yebik'ehgo baa godidish'aał: 27 ShiTaa shaa godin'ááhíí k'ehgo yá nant'aa doo, bésh ilíí bee; gosht'ish idee daasits'ilgo ts'ıltaqahíí k'ehgo ts'ıdoltıjı. 28 Ts'ılsoqsécho baa dish'aał. 29 Hadín bijeyi' golıınıí, Spirit ha'ánázéh nagoznılıí hant'é yılñiihíí yíyésts'aa le'.

3 1 Bik'ehgo'ihinań binal'a'á Sárdisgee ha'ánázéhíí yásizini bich'i' k'e'ılchíí gánñiihgo; Bik'ehgo'ihinań Spirits gots'idi la'ıı ts'ılsoqsé gots'idi yegoyılınıí gánıı; Ánánt'ıjıı bígonsı, hınńáago daanılch'inii ndi dasıntsáni ánt'ee. 2 Ch'ınándzııdgo, hadıı nádaagodzıihıí dák'azhá nanne'ıı nalwodgo ánándle': hago ánánt'ıjıı Bik'ehgo'ihinań binadzahgee doo nzhq da laq bígosıjııd. 3 Áık'ehgo hant'é naa hi'ne' la'ıı dasınts'aa lq shıhı bınánlñh, áı bikısk'eh ánt'ee, nincho'ıı bits'á'zhı' ánán'ne'. Doo ch'ınándzııd dayúgohıı, in'ıjıi higháh łehıı k'ehgo nsháh, hagee hokosıı biyi' nsháhıı doo bígonıı da doo. 4 Sárdisgee nnee da'akwıyé godzıih, doo hwahá bidıyágé chıh ádaile' da: áı dá łıgai nt'éégo bik'enada'izlaago bıł hishkah doo: áı yik'e shıjeedhıı bigha. 5 Hadın dawahá yıtis siliınıı dá łıgai nt'éégo bik'e'izlaa doo; ihinań naltsoosıı biká' bizhi' doo k'ená'ishdéh da doo, shiTaa hik'e binal'a'á yaaká'yú daagolınıı binadzahgee bizhi'ıı hodishiı. 6 Hadın bijeyi' golıınıı, Spirit ha'ánázéh nagoznılıí hant'é yılñiihıı yíyésts'aa le'. 7 Bik'ehgo'ihinań binal'a'á Philadélphiagee ha'ánázéhıı yásizini bich'i' k'e'ılchıı gánñiihgo; Godiyıhgo at'éhi, da'aniigo at'éhi, be'ohıgeęsé David bıyéé n'ıı naitıjıi, ch'ıntáqıyúgo doo hadın dená'ditıjıi da; dagohıı de'dıntáqıyúgo doo hadın ch'ıná'ftıjıi da, án gánıı, 8 Ánánt'ıjıı bígonsı: isaq, dáádıtłh ch'ı'otaqgo ná áshłaa, doo hadın da'dinótıjıi at'éé da: doo nńłdzıl da ndi shiyati'ıı hónıq, la'ıı, Án doo bígonsı da, doo hak'i shıłdınñııd da. 9 Satan yá flá'ánadaat'ıjııı, Jews daandlıjı, daanii ndi doo áı daanlıjı dago łéda'ılchoogo ádaanñiiı; niyahzhı' hayaa ádaane'go, shıł nzhoonıı yıdaagotsıjıhgo ádaashłe' doo. 10 Nyee ndi bidag ánt'ee, nıłdėniıdıı bikısk'eh ánt'éehıı bigha ni'gosdzán dahot'éhé biká' nakıda'dintaahıı begowáhıı bits'á'zhı' ánınsı doo, ni'gosdzán biká' nnee nabıda'dintaahıı. 11 Isaq, dák'adėgo nánshdaal: nłt'éégo ánt'éehıı nłdzılgo hónıq, yaaká'yú **ch'ah** hobıjıhıı nıba' si'aanıı doo hadın nıts'á' náıdı'aah da doleełhıı bigha. 12 Hadın dawahá yıtis siliınıı Bik'ehgohınshnaahıı bikıh biyi' da'ch'okaqahıı yune' bıyahdahn'aahıı k'ehgo ashłéh, dahazhı' doo ch'ınádáhgo da: án Bik'ehgohınshnaahıı bizhi'ıı biká' ágosłte', Bik'ehgohınshnaahıı kıh nagoznılı bıyéhi nt'é holzee shıhıı ałdó' biká' ágosłte', áı Jerúsaleń áníıdehi holzee, yaaká'dı'go bee kegonáhi, Bik'ehgohınshnaahıı bits'á'dı'; dashıı shızhı' áníıdehi ndi biká' ágosłte' ałdó'. 13 Hadın bijeyi' golıınıı, Spirit ha'ánázéh nagoznılıı hant'é yılñiihıı yíyésts'aa le'. 14 Bik'ehgo'ihinań binal'a'á Laodicėgee ha'ánázéhıı yásizini bich'i' k'e'ılchıı gánñiihgo: Doleełgo at'éé nliınıı, nłt'éégo da'aniigo nagolnı'ıı, Bik'ehgo'ihinań dawahá áyılłaaahıı begodeyáhi gánıı; 15 Ánánt'ıjıı bígonsı, doo sínk'az da, doo síndog da: dázhó sínk'az le'at'éhi, dagohıı dázhó síndog le'at'éhi. 16 Da'ákugo síndog, doo sínk'az da, doo síndog dahıı

bigha hanídidishkoh. ¹⁷Shíí hásdzil, shíyéehíí láá, doo nt'é bínshdih da, ádiłn'ńí; ndi díyaant'éé, naa goch'oba'a, tént'iyé, nínáá ágodih, dá łinchíi doo ádígonzi dahíi bigha: ¹⁸Óodo k' be'alzaahi shaa nahíłńíih, hánłdzil doleehíi bigha; diyagé łigaihií ák'ihidleeh doleelgo shaa nahíłńíih, dáłinchíi'íi bik'e ídaa yágonzinií doo hit'įi da doleehíi bigha; ik'ah nínáá bíńzhish, nł't'éégo go'įi doleehíi bigha, nıłdishńii. ¹⁹Shıł daanzhoonıı bıl daadishte, łá'íi biniidaagodishłe', bıl ch'ígons'h'aahgo: ák'ehgo dahıłdohgo nincho'íi bits'á'zhı' áńne'. ²⁰Isaa, dáádıłłhdı' sézııgo nıństs'ı: hadıń shizhıi yidezts'aągo shá ch'ı'ıntáıyúgo, ha'ádishaalgo bıl idishııł, bıı áłdó' shıı idoyııł. ²¹Shıı dawa bitis sıłııgo shıTaa bıl nansht'aahıı k'ehgo hadıń dawa yıtis siliinií bıl nansht'aa doleelgo baa godinsh'aah. ²²Hadıń bijeyi' golıńıı, Spirit ha'ánázeh nagozńilıı hant'é yıłńiihıı yıyésts'aą le'.

4 ¹Dıı bikedı'go dé'ııd, yaaká'yú dáádıłłh ch'ı'otaa láągo hiłtsaa: dantsé kozhıi bésh dilwoshıı k'ehgo ańiigo disıts'áá n'ıı shich'ı' hananadzıi gáshıłńiigo, Yushde' shich'ı' hasıńá, kodı' godezt'ı'go hago ágonéh shıhıı nich'ı' ch'ı'ńah ashłéh. ²Dagoshch'ı' Holy Spirit shıká'zhı' adzaago nant'án biká'dahsdáhi yaaká'yú dahs'aągo hiłtsaa, łá' yıká' dahsdaago. ³Áń dahsdaahn tséé íłni, jasper hik'e sardine holzéhi, ga'ánolıh: nant'án biká'dahsdáhi iłtsáát'ól tséé íłni, émerald holzéhi, ga'ánolıhgo binazt'ı'. ⁴Áı nant'án biká'dahsdáhi sı'aanıı bınaayú nadındıı'ı biká'dahsdáhi łédnt'ı': áıgee bádaayányú nadındıı'ı łigaigo bik'e nadaahezlaago dahnaháztaą; ch'ah óodo be'alzaahi bik'e daadez'aągo. ⁵Nant'án biká'dahsdáhi bits'á'dı' hada'didla' hik'e idi'ńii łá'ıi kozhıi daadits'ag: łá'ıi bidáhgee gosts'idgo daadılłı', áı Bik'ehgo'ihı'ńań bıSpirits gosts'idıhi ádaat'ee. ⁶Nant'án biká'dahsdáhi bidáhgee dolyııni, crystal ga'at'éhi, sıkaą: łá'ıi bınaayú dıı'yú nt'éshı hińáhi nadaazı, bitıłdı' hik'e bighánt'aadı' dá bınáá zháhi. ⁷Áı daahıńáhi ntséhıhıı ndóıcho ga'ánolıh, nakıgeehıı magashi bizhaazhé ga'ánolıh, taagıgeehıı nnee biniı'hıı biniı'hi, dıı'ıgeehıı itsaa na'ńiihıı ga'ánolıh. ⁸Áı dıı'ı daahıńáhihıı dawa bit'a' gostán daagolıı: dá bınáá zhá naz'áni: jııgee, łł'é'gee, Dilzini, dilzini, dilzini, daanıı nt'éé, Bik'ehgo'ihı'ńań nohweBik'ehń Dák'a'at'éhi, nłıı n'ıı, nliiniı, dogáı. ⁹Dahagee daahıńáhihıı nant'án biká'dahsdáhi yıká' dahsdaahn, doo ngonel'aą dayú, dahazhı' hińáhi, Ízisgo ánt'ee, yıłńiigo, daıdnłsigo, yich'ı' ihédaanzigo, ¹⁰Bádaayányú nadındıı'ı nant'án biká'dahsdáhi yıká' dahsdaahn yiyahzhı' hayaa ánádaat'ıı, áń doo ngonel'aą dayú dahazhı' hińaahıı daayokaąhgo, yaaká'yú daabich'ah daayosbaąhıı yiyahzhı' hayaa ánádaıl'ııh gádaanıigo, ¹¹NohweBik'ehń, Ízisgo ánt'ee, daanıłch'ııniigo bik'e sıntıı, daanıłch'ııńsigo, łá'ıi dawa nebik'eh daanıłch'ııniigo bik'e sıntıı: dawa ánlaa, hánt'ııhıı bigha dawa daagolıı, hánt'ııhıı bigha dawa alzaa.

5 ¹Nant'án biká'dahsdáhi yıká' dahsdaahn bigan dihe'nazhınehi naltsoos yisdısi dahyo'ałgo hiłtsaa, biyi' hik'e biká'dı'go k'e'eshchıni, gosts'idıyú bidá'doljéeg. ²Bik'ehgo'ihı'ńań binal'a'a dázhó nalwodıhi hiłtsaa, áń ádııd

dilwoshgo gáníí, Hadín láą naltsoos bidá'doljeegíí ch'í'ínzóqsgo ilts'á' áile'go yik'e sitíí? ³Áídá' yaaká'yú, ni' biká'yú, dagohíí ni' bitl'áahyú ndi doo hadín naltsoosíí ilts'á' áile'íí dagohíí yineł'íí ndi yik'e sitíí da. ⁴Doo hadín naltsoos ilts'á' áile'go yozhíhíí, dagohíí yineł'íí ndi yik'e sitíí dahíí bigha yat'éego hishchag ni'. ⁵Bádaayányúhíí dała'á gáshíłnii, Doo nchag da: dín'íí, Juda hat'í'í bits'á'dí' Ndóicho, án David Bikeghadi, dawa yitis silíjhií bigha, án zhá naltsoos bidá'doljeegíí gots'idi ch'í'ínzóqsgo ilts'á' áile'íí yik'e sitíí. ⁶Akú dé'íidgo nant'án biká'dahsdáhi hik'e nt'éshí daahináhi ilní'gee, bádaayányú bitahdí' dibelíí **biZhaazhé** nlíni zesdijí n'íí ga'anolini sizijigo hiltsaa, án biyeshdee gots'idihi, bináá gots'idihi, áí Bik'ehgo'ihí'nań biSpirits gots'idihi ni'gosdzán dágoz'ąą nt'éego biká'zhí' odaas'a'i. ⁷Áń nant'án biká'dahsdáhi yiká' dahsdaahn bigan dihe'nazhinédí'go naltsoosíí náidnné'. ⁸Naltsoos náidnné'dá' díí'i daahináhi ła'íí bádaayányú nadindíí'i dibelíí biZhaazhé nlíni biyahzhí' hayaa ádaaszaa; daantíí'gee tsjbe'idot'ále dahdaayotíí, ła'íí its'aa óodo be'alzaahi, diltłi'go hikągolchinihi bee halk'łgo dah daayokał, áí nnee Bik'ehgo'ihí'nań báhadaadeszaahi bi'okaąhíí ádaat'ee. ⁹Sj ánídéhi daido'aal gádaaniigo, Naltsoosíí náidnné'go bidá'doljeegíí ch'í'ínzóqsgo bik'e síntíí: nnee il'aniyú hadaazt'í'í, iltah at'éego yádaałt'í'í, nnee daanliiníí, ła'íí nnee binant'a' dała'áhíí il'aniyú naznilíí biyi'dí' nidi'zesdijigo nidíí' bee Bik'ehgo'ihí'nań bá hanánohwihéń'nil. ¹⁰Nant'án daandliigo, ła'íí okaąh yebik'ehi daandliigo Bik'ehgo'ihí'nań daahohiikaąhń bich'í' ádaanohwíńlaa: áík'ehgo ni'gosdzán biká' nadaant'aa doo. ¹¹Dé'íidgo nant'án biká'dahsdáhi hik'e nt'éshí daahináhi ła'íí bádaayányú binaayú Bik'ehgo'ihí'nań binadaal'a'á łaągo: goneznadn doo náhółtagyú dá'ágánáhołągo goneznadn, doo náhółtagyú áídí' doo náhółtagyú yúweh doo náhółtagyú daabizhii daasiits'ąą; ¹²Dibelíí biZhaazhé nlíni bidi'zesdijí n'íí dawa yebik'ehi, há'ıldzili, góyáni, nalwodi, dilzini, ba'ihégošini, ła'íí biyaa gozhóóníí baa hi'né'híí yik'e sitíni at'éé. ¹³Áídí' yaaká'yú, ni'gosdzán biká'yú, ni'gosdzán biyi'yú, túnteel biyi'yú dahot'éhé daahinaahíí, da'adzaayú dawa daagolíníí gádaaniigo disiits'ąą, Nant'án biká'dahsdáhi yiká' dahsdaahn ła'íí dibelíí biZhaazhé nlíni doo ngonel'ąą dayú dahazhí' biyaa gozhóq le', dilzi le', ba'ihégoš le', ła'íí dawa yebik'eh le'. ¹⁴Díí'i nt'éshí daahinaahíí, Doleełgo at'éé, daanii. Bádaayányú nadindíí'i hadín doo ngonel'ąą dayú dahazhí' hinaahíí yiyahzhí' ádaaszaago daayokaąh.

6 ¹Dibelíí biZhaazhé nlíni naltsoos bidá'doljeegíí gots'idihi dała'á ch'í'ínzóqzgo hiltsaa, áídá' díí'i nt'éshí daahinaahíí dała'á bizhihíí idi'niihíí ga'ahilts'ago, Yushdé' dín'íí, shíłniigo disiits'ąą. ²Áídí' dé'íidgo ھیłgai hiltsaa: áí yiká' dahsdaahn iltíih dahyotíí; ła'íí nant'án bich'ah baa hit'ąą: án gonołneełgo gonłneehgo ھیł bił dahiswod. ³Nakigee idá'doljeegíí ch'íná'ńzóqzdá' nakigee nt'éshí hináhihíí, Yushdé' dín'íí, shíłniigo disiits'ąą. ⁴Áídí' ھیł hichíí'i ch'ínánálwod: áí yiká' dahsdaahn ni'gosdzán biká' ilch'í'gont'éé n'íí náidiiné'go baa godet'ąą, nnee nanáłłtseed doleełgo:

5 ła'íi bésh be'idiltłish dážhó nchaahi baa hitąą. 5Taagigee idá'doljeegíi ch'íná'ńzǫǫzdá' taagigee nt'éshj hináhihíi, Yushdé' dín'íi, shiłniigo didiits'ąą. Dé'įidgo łíi diłhiłi hiłtsąą; ái yiká' dahsdaahn bedahnádilohé dahyo'áál. 6Díi'i nt'éshj daahinaahíi iłni'dí' kozhii disiits'ąą gáníigo, Tł'oh naghái dałáhn ha'okaągo penny íłłi, tł'oh naghái diwozhé taadn ha'okaągo **penny** íłłi; áídá' ik'ah hik'e wine nadaanołni. 7Díidngee idá'doljeegíi ch'íná'ńzǫǫzdá' díidngee nt'éshj hináhihíi, Yushdé' dín'íi, shiłniigo disiits'ąą. 8Dé'įidgo łíi déłibáhé hiłtsąą; ái yiká' dahsdaahn Da'itsaahíi holzee, áídí' Ch'iidntahíi biké' begogáál. Ni'gosdzán díi'yú iłk'é'nilgo dałá'á biyi' bésh be'idiltłishé, shiná' góyéégo nagowaahíi, yóiyahgo ch'inniihíi, hik'e ni'gosdzán biká' tsétahgo daagolni bédaagodzidíi bee nnee nadaayiltseed doleełgo binawod baa daagodest'ąą. 9Ashdladngee idá'doljeegíi ch'íná'ńzǫǫzdá', be'okaąhi biká' dahnási'niłíi bitł'ááhgee nnee Bik'ehgo'ihí'nań biyati'híi hik'e yaa nadaagolni'híi bighą nadaabi'distseedíi biyi'sizíni hiłtsąą: 10Adįid daadilwoshgo gádaanii, NohweBik'ehń, nidilzini, da'aníihi níłni, da'os'ah ląą nnee ni'gosdzán biká' daagolni nohwidilłhíi bighą baa yánłti'go nohwá ik'enán'ni'? 11Áídí' daantíige ıłłgai bitaadaas'niigo gádaabił'ido'niid, Dét'ihézhí' hanádaałsoł, bił nadaał'a'íi hik'e nohwik'isyú nohwíi nanohwi'distseedhíi k'ehgo nabi'ditseed doleełíi nabi'distseedgo zhą. 12Gostángee idá'doljeegíi ch'íná'ńzǫǫzdá', dé'įidgo ızisgo ni'godes'naa; ya'áłhíi tsiigha diłhiłi nanest'oolhíi k'ehgo diłhił silłi, tł'é'gona'áłhíi dił ga'anolłh silłi; 13Ch'il, fig holzéhi, bich'į' deyołgo doo hwahá nt'ąą dahíi nanihezdeehíi k'ehgo ts'ıłsoqsé yaadı' ni'gosdzán biká'zhí' náłtąą. 14Yáá naltsoos hisdisíi k'ehgo hisdis silłigo esdłid; ła'íi dził hik'e ni' táyi' dahnagoznłłíi dawa łahyúgo naznıl daasilłi. 15Ła'íi ni'gosdzán biká' nadaant'aahi, nnee itisyú nadaandeehi, hádaałdzili, siláada itisgo nadaant'aahi, nnee nadaalwodi, ła'íi daakówa, daako'desnaahíi hik'e doo daako'desnaa dahíi ndi, dził bińıda'i'án yune', tséyaa nadaach'int'į'go; 16Dził hik'e tséé bich'į' gádaach'ni, Nohwiká'zhí' ts'iyaa ánnéhgo nádaanołwinł'įih, nant'án biká'dahsdáhi yiká' dahsdaahn hik'e dibelłi **biZhaazhé** níłni bihashkeehíi bits'ą' nádaanołwinł'įih, 17Bihashke'híi begodeyaahíi bighą; áłk'ehgo hadń zhą shą' sizįi doleeł?

7 1Ái bikédí'go Bik'ehgo'ihí'nań binal'a'a ni'gosdzánzhí' díi'yú nadaazįigo hiłtsąą, ni'gosdzán biká' díi'yú nyolłi t'ąązhí' daayota'go, ni'gosdzán, túnteel, hik'e ch'il doo bich'į' nyol da doleełhíi bighą. 2Áídí' ya'ái hanadáhdí'go Bik'ehgo'ihí'nań binal'a'a, Bik'ehgo'ihí'nań hináhi bibe'ídinidłidé yoné'go naahiłtsąą; án díi'i Bik'ehgo'ihí'nań binal'a'a ni'gosdzán hik'e túnteel daayılchqohgo baa daagodest'aanii ádįid yich'į' nádidilghaazhgo, 3Gáníi, Ni'gosdzán, túnteel, hik'e ch'ilhíi daolchqoh hela', Bik'ehgo'ihí'nań yánada'iziidíi bitá'gee bídaadinihidlidgo zhą. 4Da'kwíi bídaadiniidlid shíhíi disiits'ąą: Israel biye'ke bits'ą'dí' nnee hadaazt'íi bitahd' dałá'á gonenadń iká'yú díi'i doo náhóltagyú hilt'éégo bídaadiniidli.

⁵Juda hat'íí bitahdí' nakits'adah doo náhóltagyú bídaadiniidlid. Reuben hat'íí bitahdí' nakits'adah doo náhóltagyú bídaadiniidlid. Gad hat'íí bitahdí' nakits'adah doo náhóltagyú bídaadiniidlid. ⁶Áser hat'íí bitahdí' nakits'adah doo náhóltagyú bídaadiniidlid. Néphthalim hat'íí bitahdí' nakits'adah doo náhóltagyú bídaadiniidlid. **Manáesses** hat'íí bitahdí' nakits'adah doo náhóltagyú bídaadiniidlid. ⁷Símeon hat'íí bitahdí' nakits'adah doo náhóltagyú bídaadiniidlid. Levi hat'íí bitahdí' nakits'adah doo náhóltagyú bídaadiniidlid. Íssakar hat'íí bitahdí' nakits'adah doo náhóltagyú bídaadiniidlid. ⁸Zábulon hat'íí bitahdí' nakits'adah doo náhóltagyú bídaadiniidlid. Joseph hat'íí bitahdí' nakits'adah doo náhóltagyú bídaadiniidlid. Benjamin hat'íí bitahdí' nakits'adah doo náhóltagyú bídaadiniidlid. ⁹Díí bikéd'ígo dé'íidgo n̄nee doo ła' díí n̄nee łáni yóltagyúhi daahiltsaa, binant'a' dała'áhíí ił'aniyú naznilí, n̄nee ił'aniyú hadaazt'ííí, n̄nee daanliiníí, hik'e iltah at'éégo yádaaft'íí dawa bitahdí', nant'an biká'dahsdáhi hik'e dibelíí **biZhaazhé** nlíni yidáhgee nadaazj, dá hígai nt'éégo bik'eda'izlaa, ch'il, palm holzéhi, bits'adaaz'aahíí dahdaayiníígo; ¹⁰Adíid daadilwosh gádaaniigo, Hasdách'igháhíí Bik'ehgo'ihí'nań daahohiikaqahń, nant'an biká'dahsdáhi yiká' dahsdaahn, hik'e dibelíí **biZhaazhé** nlíni bílgo bits'áđí' begoz'aa. ¹¹Bik'ehgo'ihí'nań binadaal'a'a nant'an biká'dahsdáhi, bádaayányú, hik'e díí'í nt'éshj daahinaahíí binaayú léđnt'ígo nant'an biká'dahsdáhi biyahzhí' hayaa ánadaat'íigo Bik'ehgo'ihí'nań daayokaqah, ¹²Gádaaniigo, Doleelgo at'éé: Bik'ehgo'ihí'nań daahohiikaqahń doo ngonel'aa dayú dahazhí' biyaa gozhóq le', ba'ihégoš le', góyáq le', bich'í' ihégoš le', dilzj le', dawa yebik'eh le', ła'íí dák'a'at'éé le'. Doleelgo at'éé. ¹³Bádaayányú dała'á shich'í' gánniid, Díí bidiyágé daatigaihíí, hadín ádaat'íí? Hadí' hikaihi? ¹⁴Gábíłdéniiid, Ni la' bígonłsł. Gánashłđo'niid, Góyéégo nagoyaahíí yitis ch'ékaihi ádaat'íí: dibelíí **biZhaazhé** nlíni bidííí bee bidiyágé tadaizgizgo higaigo ádaizlaa. ¹⁵Áí bigha Bik'ehgo'ihí'nań biká'dahsdáhi yidáhgee nán'áá, áí daabich'okaqah goz'aa yune' dawa jji, dawa t'é' daabokaqah nt'éé: nant'an biká'dahsdáhi yiká' dahsdaahn bitahyú nłj doleel. ¹⁶Doo shíná' naadaadleeh at'éé da, doo dibá' naadaadleeh at'éé da; ya'ái doo daabidíid da doleel, ła'íí doo dant'éhéta bich'í' sidog da doleel. ¹⁷Dibelíí **biZhaazhé** nlíni nant'an biká'dahsdáhi iłn'í' d'í' dahsdaahn bá da'diné' doleel, tú hináhi halííyú yáđih higaalgo yił onakáh doleel: ła'íí bináá túhíí dawa Bik'ehgo'ihí'nań bá k'eda'yíłdéh doleel.

8 ¹Dibelíí **biZhaazhé** nlíni gosts'idngee idá'doljeegíí ch'íná'ńzqósdá' yaaká'yú doo nt'é hiłłts'ag dago biní'yú hak'e nehenkééz. ²Áídí' Bik'ehgo'ihí'nań binal'a'a yaaká'yú daagolíníí gosts'idi Bik'ehgo'ihí'nań yidáhgee nadaazjigo bésh dilwoshé bitaas'niigo hiłłtsaa. ³Áígee binal'a'a ła'ihíí naanádzaa, án be'okaqahi biká' dahnási'niłi goz'aaqee hizí', its'aa óodo be'alzaahi biyi' dilidgo hıkağolchiníí dahyo'aałgo; hıkağolchiníí ła'ágo baa hi'né', n̄nee Bik'ehgo'ihí'nań báhadaadeszaahíí dawa daabi'okaqahíí bíł

data' álnehgo, nant'an biká'dahsdáhi bádihgee, be'okaqahi biká' dahnási'nihí yiká' dilti' doleetgo. ⁴Áík'ehgo hikagolchiníí bits'á'dí' tidíí, hik'e nnee Bik'ehgo'ihí'nań báhadaadeszaahíí daabi'okaqahíí bił data' Bik'ehgo'ihí'nań yich'i' hadag adzaa, Bik'ehgo'ihí'nań binal'a'á bilaltł'áhdí'. ⁵Áídí' Bik'ehgo'ihí'nań binal'a'á kó' be'okaqahi biká' dahnási'nihí yiká' dilidíí ła' its'aa biyi' ha'disbįhgo ni'gosdzán yiká'zhį' yaa yinil; áí dábiłgo yáhiilts'ag, idi'nii, hada'didla', ła'íí ni' nagohi'naa. ⁶Bik'ehgo'ihí'nań binadaal'a'á gots'idihi bésh dilwoshé dahdaayoniiłíí k'ad ádaayilniigo nadaazii. ⁷Bik'ehgo'ihí'nań binal'a'á dantséhihíí bibéshdilwoshé áyilniiidíí dábiłgo hilóí hik'e kó', dił bił nadesgeedgo ni'yú náłtáá: ni'gosdzán biká' ch'il nadaan'aaahíí dawa tááyú ilk'é'nilgo data'ágoahíí aqł daanlíd, t'oh daadotł'izhíí ałdó' aqł nłíd. ⁸Bik'ehgo'ihí'nań binal'a'á nakigeehíí bibéshdilwoshé áyilniiidíí dábiłgo nt'éhéta dził nchaahíí ga'ánolini dilti'go túnteel biyi' olgo: áík'ehgo túnteel tááyú ilk'é'nilgo data'ágoahíí dá dił zhá silji: ⁹Túnteel biyi' daagolíníí dawago tááyú ilk'é'nilgo data'ágoahíí aqł nanezna'; tsina'eelíí dawago tááyú ilk'é'nilgo data'ágoahíí doo nt'é da silji. ¹⁰Bik'ehgo'ihí'nań binal'a'á taagigeehíí bibéshdilwoshé áyilniiidíí dábiłgo ts'įsqósé nchaahi yaaká'dí' naltó', kó' k'ehgo dilti'go, áí tú daanlíníí dawago tááyú ilk'é'nilgo data'ágoahíí níká' naltó', ła'íí tú hadaazliiníí ałdó' biká' naltó'. ¹¹Ts'įsqóséhíí Hkóhi holzee: tú dawago tááyú ilk'é'daasziidgo data'ágoahíí dé'įłkó silji; áík'ehgo tú dé'įłkó siljiłhíí bigha nnee łaágo nanezna'. ¹²Bik'ehgo'ihí'nań binal'a'á dił'igeehíí bibéshdilwoshé áyilniiidíí dábiłgo ya'ái, t'é'gona'ái, ła'íí ts'įsqósé tááyú ilk'é'nilgo data'ágoahíí hagoshį ádaaszaago, bits'á'daadesdiiníí tááyú ilk'é'nilgo data'ágoahíí diłhił silji, áík'ehgo jiiigo idindláádíí tááyú ilk'é'nilgo data'ágoahíí doo got'įi da silji, t'é'gohíí ałdó' ágát'éé lék'e. ¹³Áídí' dé'įidgo Bik'ehgo'ihí'nań binal'a'á yáa ihń'yú na'dezniigo áđįid dilwoshgo gánįigo hiłtsaa, Ni'gosdzán biká' daagolíníí bá góyéé doleel, bá góyéé doleel, bá góyéé doleel, Bik'ehgo'ihí'nań binadaal'a'á taagihíí bibéshdilwoshé k'ad ánádaayildi'niilhíí bigha!

9 ¹Bik'ehgo'ihí'nań binal'a'á ashdlá'igeehíí bibéshdilwoshé áyilniiidíí dábiłgo yaaká'dí' ni'gosdzán biká'zhį' ts'įsqósé naltó'go hiłtsaa: o'įán doo ni'į'ánihi dá bich'įgót'įgee bá be'igeęsé baa hitaa. ²O'įán doo ni'į'án dahíí ch'į'įntáá, áídí' łid yat'éégo hago', kó' yat'éégo dilti'íí bits'á'dí' k'ehgo; áík'ehgo ha'į'ándí' łidíí bee ya'ái doo hit'įi da silji, dahot'éhégo godiłhił silji. ³Łidíí biyi'dí' na'įshchagi ni'gosdzán biká' hanatsáá: ni'gosdzán biká' tsédag histasíí binawodhíí k'ehgo binawod daagolįigo baa daagodest'aa. ⁴Ni'gosdzán biká' t'ohíí hik'e dant'éhéta daadotł'izhíí ła'íí ch'įlta daolchqoh hela', bił'ido'niid; nnee Bik'ehgo'ihí'nań bi'idinilídé doo bitá'gee dahgoz'aa dahíí zhá. ⁵Da'ágát'éé ndi doo nadaaitseedgo baa godet'aa da, daazhógo bił nada'dinii'go ádaile'go ashdladn dahitaaqzhį: tsédag histas dilshish łehíí k'ehgo nniihgo. ⁶Áí benagowaadá' nnee da'itsaahíí yiká daadéz'įi doo, ndi doo datsaah da doo; daostsa hadó' daanzídá' dats'įtsaahíí doo hak'i da doo.

7 Na'ishchagi h́́́ nagonłkaadyú nádesaąhíí k'ehgo ilch'í'idaasdlaa ga'adaanolih; nant'an bich'ah óodo be'alzaahi ga'anolini bik'edaadez'ąą, daabinií'í nnee binii'í ga'adaanolih. 8 Daabitsizilí isdzané bitsizilí k'ehgo ádaat'ee, daabiwoo'í ndóicho biwoo'í ga'adaat'ee. 9 Besh bitíł naztaaní ga'at'ée; daabit'ą' ádaaniihítsinagháhi bijád nakihi yat'éégo hilwoł, h́́́ łąągo badahsnilgo nagonłkaadyú dezkił łehíí ga'ahíłts'ag. 10 Daabitsee'í tsédag histas bitsee'í ga'adaat'eehíí yee daadiłshish: ashdladn dahitąązhí' nnee yini'da'diłni'go binawod golíí. 11 Binant'a' golíí, án o'í'án doo ni'í'ánihi yebik'ehi, Hebrew k'ehgo Abáddon holzee, Greek k'ehgo Apóllyon holzee. 12 Dantsé góyéégo godeyaahíí bech'igonyáá; isąą, nakigo t'ah góyéégo bee nohwich'í' naagoldoh. 13 Áidí' Bik'ehgo'ihí'nań binal'a'á gostángeehíí bibeshdilwoshé áyılñniidí dábiłgo Bik'ehgo'ihí'nań bádihgee be'okaąhi biká' dahnási'nili óodo be'alzaahi bikád'í yeshdee dí'í its'adaaz'aaahí bits'ą'dí' kozhii disiiłts'ąą, 14 Bik'ehgo'ihí'nań binal'a'á gostángeehíí beshdilwoshé dahyotłilí yich'í' gáníigo, Tú łąągo nlínií Euphrátes golzeegee dí'í Bik'ehgo'ihí'nań binadaal'a'á dahdaahist'ooní k'eda'í'ád. 15 Áik'ehgo Bik'ehgo'ihí'nań binal'a'á dí'í k'enádaabi'dost'ah, áí nnee dawa tááyú ilk'é'nilgo dała'ągohíí dawa nadałłtseedgo da'ái bik'ehenkéézo, da'ái bijii, da'ái bee dahitąą, da'ái łégodzaa ilch'í'ılzaahi. 16 Siláada h́́́ yikád'í nadaagonłkaadíí nakidn goneznádn doo náhółtagyú da'ágánáhołąągo goneznádn doo náhółtagyú hilt'ee: áí hilt'eego disiiłts'ąą. 17 Díí k'ehgo h́́́ daahíłtsąą shich'í' ch'í'nah ágolzaago; h́́́ yiká' dahnaháztaaní besh bitíł naztaaní kọ' hik'e tséé íłni, jácintah holzéhi, łá'í tséłikọ'i ga'anólıhí k'ehgo ánołih: h́́́ bitsits'iní ndóicho bitsits'iní ga'anólıh; áidá' daabizé'dí' kọ' hik'e łid łá'í tséłikọ'i hanádinah. 18 Díí taagihíí ilk'é'nilgo dała'ągohíí bee nabi'destseed, kọ' łid, łá'í tséłikọ'i, h́́́ bizé'dí' hanádinahíí bee. 19 Łíí bizé'dí' hik'e bitsee'yú binawod golíí: bitsee'í ch'osh bik'asda' daagolínií ga'at'ée, bitsits'in daagolíigo áí bee koniidaagodile'. 20 Nnee łá'ihíí, díí góyéégo bich'í' godest'aaní doo bee nadaabistseed dahíí, bigan bee nchọ'go ádaaszaahí doo yits'ą'kai da, łá'í ch'iidn hik'e óodo, beshłigai, beshłitsog, tséé, tsj bee nadn'ái ádaaszaahí daayokaąhí doo yits'ą'kai da; áí nadn'áılıí doo daago'ij da, doo da'dits'ag da, łá'í doo nadaakai dadá': 21 Łá'í nada'łłtseedíí, íngashíí, nant'igo nakaihi, da'in'ijihíí áldó' doo yits'ą'kai da.

10 1 Áidí' Bik'ehgo'ihí'nań binal'a'á ízigo at'éhi yaakád'í' bił nkegonyáągo naahíłtsąą, yaak'os bee bik'e'izlaago: iltsąąłłł bitsits'in binazt'í'go, binii'í ya'ái ga'at'éégo, bijádí kọ' k'ehgo nazijigo: 2 Áń naltsoos hisdisi alts'íséhi ilts'ąą at'éégo dahyoné': bikee dihe'nazhıneéhi túnteel yiká' dés'eez, áidá' łahzhıneégohíí ni' yiká' dés'eezgo, 3 Ndóicho aníihí k'ehgo ádiid nádidilghaazh: nádidilghaazhíí dábiłgo gosts'idn ididesni'. 4 Gosts'idn ididesni'dá', k'ad ágoshłe' nt'éégo yaakád'í' kozhii gáshıłniigo disiiłts'ąą, Gosts'idn ididesni'íí ánniidií bidá'ńłjah, ágóléh hela'. 5 Bik'ehgo'ihí'nań binal'a'á túnteel hik'e ni' biká' sizijigo hıłtsaaníí, hadag yaa delniidá', 6 Gánniid, Doo ngonel'ąą dayú dahazhı' hınaahń, yaaká'yú

la'íí biyi' daagolíníí, ni'gosdzán la'íí biyi' daagolíníí, túnteel la'íí biyi' daagolíníí ádaayilaahíí binkááyú shít'a dahdidishñiihgo gádishñii, Doo dá t'aažhí' at'éégo da: ⁷Áídá' Bik'ehgo'ihí'nañ binal'a'á gosts'idngeehíí bibéshdilwoshé áyılđoníííí bengonyaáago, Bik'ehgo'ihí'nañ bits'á'dí'go doo bígózı da n'íí, yánada'iziidíí, binkááyú nada'iziidi bich'ı' ánniid n'íí begolne'. ⁸Yaaká'dí' kozhiihíí disiiits'áá n'íí shich'ı' hananádzii gánıígo, Ti'i, naltsoos hisdisi ilt'saa at'ééhíí Bik'ehgo'ihí'nañ binal'a'á túnteel hik'e ni' biká' siziiníí dah yoné'ihíí nádnné'. ⁹Áík'ehgo Bik'ehgo'ihí'nañ binal'a'á baa niyáago gáldéniid, Naltsoos hisdisíí shaa nné'. Áídí' gáshiññiid, Nádnné', nnáá, nibid biyi' dé'ilkó doleeł, áídá' nize' yune'híí shúgé gosnih k'ehgo golnii doleeł. ¹⁰Áídí' naltsoos hisdisíí Bik'ehgo'ihí'nañ binal'a'á bigan biyi'dí' nádiné'go hiyáá: size' yune' shúgé gosnih k'ehgo golnii: otnágdí' shibid yuyaa dé'ilkó silij. ¹¹Áídí' gáshiññiid, Nnee daanliiníí, nnee binant'a' dała'áhíí ił'aniyú nazñilíí, iltah at'éégo yadaałtı'ıí, la'íí nant'án daanliiníí ląágo, áđihyú ágodoníííí bee bił nanágołnı' doo.

11 ¹Áídí' gish be'ídaanel'aałhíí lók'aa ga'anolini shaa hitáago áshiłđo'niid, Nádnđáh, kįh biyi' Bik'ehgo'ihí'nañ daach'okałhíí bínén'aa, be'okałhi biká' dahnási'niíi, hik'e nnee áígee da'okałhijı áłđó'. ²Áídá' kįh biyi' da'ch'okałhíí dadányú tséé łédn'aahíí binol'aa hela', áı dah nzhoo, doo Jews daanlijı dahi baa hi'né'híí bigha: áı kįh godiyini goznili dizdin naki dahnáhitaałhı' yıká' nakai doleeł. ³Naki shánagolnı'ı tsiigha nanest'óol bik'edaasilaago shá nadaagolnı'go baa godish'aal, dała'á doo náhółtagyú iká'yú naki gonenadínhíí iká'yú gostádin iskałhı'. ⁴Díı naki ch'il, olives holzéhi, la'íí naki ik'ah kọ'ı' biká' dahnásił'áhíí ni'gosdzán yeBik'ehń bádįhgee nadaazijihíí ádaat'ee. ⁵Hadín yiniđiđñihyúgo, kọ' bizé'dí' yaadináhıí bee bidilid goz'aa: hadín yiniđiđñihyúgo, da'áık'ehgo bidizideego goz'aa. ⁶Bidáhyú hago ágonéhií yaa nadaagolnı'go goldohdá' yáá yida'detijihgo doo nanágołtıjı dago baa godet'aa: la'íí tú diłgo ánádaidle', la'íí dabıı hádaat'ijıgee ni'gosdzán biká' iltah at'éégo góyéego nágodidahgo ádail'ijıgo baa godet'aa áłđó'. ⁷Aał nadaagosni'ı' bikéđı'go nt'éshı' bégodzidi, o'ı'án doo ni'ı'ánidı' hayáhi, yił nagonłkaadgo bitis hileehgo nadaabiłtseed doleeł. ⁸Bits'ıhıí ízisgo kįh goznili biyi' intınyú shiteezh doleeł, áı ízisgo kįh goznilihıí Sódóm hik'e Egypt daazhógo ágágołzéhi, áígee nohweBik'ehń tsi'ılna'áhi biká' zesđijni'. ⁹Nnee daanliiníí, iltah at'éégo hadaazt'ı'ıı, iltah at'éégo yadaałtı'ıı, la'íí nnee binant'a' dała'áhıí ił'aniyú nazñilı'ı bitahdı', taagidı' binı'yú iskaago nneehıí bits'ıhıí daanel'ijıgo, doo hadın łehdainı'ı dago daagos'aa doleeł. ¹⁰Nnee ni'gosdzán biká'gee daagolnı'ı áı naki shánagolnı'ı góyéego bich'ı' nadaagoz'aałhıí bigha bił daagozhógo dawahá ładaayinił doleeł. ¹¹Taagidı' binı'yúhıí bijijı beNádidzołhı' Bik'ehgo'ihí'nañ bits'á'dı'go biyi' nágosđlijıgo hınaa nádaasđlijıgo daahizı'; áık'ehgo hadın binááł náadıit'aazhı'ı tsıdaadesyız lék'e. ¹²Yaaká'dı'go kozhii áđijđ gánııgo daidezts'aa, Yushdé' hashoh'aash. Áídı' bik'edaannihı'ı daabinel'ıđá' yaak'os biyi' yaaká'yú bił odaagoyaa. ¹³Dıı ágodzaahı'ı dábiłgo,

yat'éégo ni'godihes'naago, kih goznili gonenányú ilk'é'nilyúgo dała'ázhiiné nagozgo', ni' godihes'naago gosts'idn doo náhóltagyú nnee nabi'destseed: nnee la'íi yat'éégo tsídaadezyizgo Bik'ehgo'ihí'nań yaaká'yú dahsdaahn bich'i'go bił daagodnyiid. ¹⁴Nakidn góyéégo godeyaahíi bech'ígonyáá; isaa, taadn góyéégo goz'aaníi k'ad benágodidáh. ¹⁵Bik'ehgo'ihí'nań binal'a'á gosts'idngeehíi bibéshdilwoshé áyilniiidíi dábiłgo yaaká'yú kozhii yat'éégo daadilwosh gáníigo, Ni'gosdzán biká' nnee il'aníyú binant'a' daagolíníi, nohweBik'ehń hik'e biChrist yá nant'a' silii; doo ngonel'aa dayú dahazhi' yá nant'aa doo. ¹⁶Bádaayányú nadindíi'íi Bik'ehgo'ihí'nań bádiłhgee dah naháztaaníi hayaa ádaasdzaaago Bik'ehgo'ihí'nań daayoskaad. ¹⁷Gádaaniigo, Bik'ehgo'ihí'nań nohweBik'ehń, Dák'a'ánt'ehi, nliiníi, níłi n'íi, dínáti; ilk'idá' ízisgo ninawod golíigo dawa binant'a' síniłiíhíi bigha nich'i' ihédaandzi. ¹⁸Nnee binant'a' dała'áhíi il'anigo naznilihi nich'i' hadaashkee ndi nihashkeehíi begonyáágo, nanezna'íi baa yá'iti'go, nánada'iziidíi náyádaakti'hi, nnee ná hadaadeszaahi, la'íi nizhi' daidnłsini doo ízisgo ádaat'ee dahi hik'e ízisgo ádaat'ehi biłgo bich'i' na'íniigo biká' ngonyáá; la'íi ni'gosdzán biká' na'itseedíi nałtseedgo biká' ngonyáá. ¹⁹Áidí' yaaká'yú kih biyi' Bik'ehgo'ihí'nań daach'okaaquíi ch'í'ótáq lək'e, ágee Bik'ehgo'ihí'nań nohwá yengon'áni biká' dahgoz'aaníi biyi' sí'áni hit'i' lək'e: áidá' hada'didla', kozhii dits'ag, idi'nii, ni' nagohi'naa la'íi nlóí yat'éégo náłtáq.

12 ¹Nt'eshí igozísigo at'ehi yaaká'yú ch'í'nah silii; isdzán ya'ái bik'esilaago, t'égona'áíhíi yiká' siziiigo, ts'íłsoqsé nakits'ádahi bitsits'inyú názt'i' alzaa lək'e: ²Áń hiltsaa, k'azhá iłchiíhíi bigha nniigo natídindli'. ³Nt'eshí igozísigo at'ehi yaaká'yú ch'í'nah nánásdlíi; t'iishcho kich'i', gosts'idi bitsits'inhi, gonenán iyeshdeehi, gosts'idi nant'án bich'ah bik'edaadez'aaago. ⁴Yááyú ts'íłsoqsé tááyú ilk'é'nilgo dała'ágohíi ni'zhí' bitsee yee nayiłkaad: t'iishchohíi isdzán k'azhá iłchiíhíi binásgee hizí', mé'híi gozliiyúgo hishaa nzigo. ⁵Isdzánhíi ishkiini yishchii lək'e, áń besh dahyotiiłgo nnee binant'a' dała'áhíi il'anigo naznilihi yá nant'aa hileehi: áidá' ishkiinhíi Bik'ehgo'ihí'nań hik'e biká'dahsdáhi yiká'dí' nant'aahíi dagoshch'i' bich'i' hadag bił ogoyáá. ⁶Isdzánhíi da'igolíiyú Bik'ehgo'ihí'nań nt'éégo bá ágólaayú ot'ag lək'e, ákú dała'á doo náhóltagyú iká'yú naki gonenadín iká'yú gostádin iskaayú bá di'né' doleełgo. ⁷Yaaká'yú hagonołkaad lək'e: Míkael hik'e binadaal'a'á t'aaqzhi' t'iishcho yił nadaagonłkaad; t'iishcho hik'e binadaal'a'á t'aaqzhi' nanágonłkaad, ⁸Áidá' baa daagoneznaa lək'e; áidí' yaaká'yú doo hayú bá nágot'aa da. ⁹Áidí' t'iishcho gódah ch'ílt'e', doo ániidá' t'iish n'íi, Ch'iidn nant'án, da'ái Satan holzéhi, ni'gosdzán biká'zhí' nalgo', binadaal'a'á biłgo gódah ch'élkaad. ¹⁰Yaaká'yú ádiid kozhiihíi disiits'áq gáníigo, K'adíi Bik'ehgo'ihí'nań bits'á'dí' hasdách'igháhíi, konawod golíiníi, hik'e Bik'ehgo'ihí'nań daahohiikaahń, la'íi biChrist yenant'aagohíi bengonyáá: hadín nohwik'isyú yaa dahdaago'a' n'íi gódah ch'ílt'e'go, Bik'ehgo'ihí'nań bińáál dawa jii, dawa t'í'e'

yaa dahgoz'aa n'íí. ¹¹Dibelíí **biZhaazhé** nlíni bidilíí hik'e Bik'ehgo'ihí'naán yaa nadaagoln'íí bee yitis daasilíí; Bik'ehgo'ihí'naán yá datsaah ndi bi'ihí'na' doo yaa bił goyéé da ni'. ¹²Áík'ehgo yaaká'yúhíí hik'e biyi' yune' daagonohíinií nohwił daagozhóq le'. Ni'gosdzán hik'e túnteel nohwá góyéé le'! Ch'iidn nant'án dážhó hashkeego nohwich'í' nkenyáá, da'anahzhí' nágodzii yígółsíhíí bigha. ¹³Áídí' t'iishchohíí ni'gosdzán biká'zhí' gódah ch'ílt'e' yígółsíjdá' isdzán ishkiin yishchiinií yíl nádndeeh. ¹⁴Áídá' isdzánhíí itsaacho bit'a' k'ehgo bit'a' naki baa hi'níl, t'iishcho bits'a' da'igolííyú nádinííh doleełgo, akú dé't'ihézhí' áídí' yúwehyú da'anahzhí', áídí' yúwehyú da'ihní'zhí' bá di'né' doleełgo. ¹⁵T'iishchohíí bizé'dí' tú yat'éégo ha'ijool isdzán biké', tú yat'éégo idezjoolíí k'ehgo, isdzán bił ch'ígono'éeł nzihíí bigha. ¹⁶Da'ágát'éé ndi ni'gosdzán isdzánhíí yich'ozn'igo bizé' íłts'a' ágólaago tú t'iishcho bizé'dí' ha'ijool n'íí ałoyiłnág. ¹⁷Áídí' t'iishcho n'íí isdzán bich'í' bágóchíidgo bichagháshé ła'ihíí yich'í' nágodilkaadyú óyáá, hadíí Bik'ehgo'ihí'naán yegos'aaníí daayotá'híí hik'e Jesus yaa yádaalti'híí.

13 ¹Áídí' tábaayú sái biyi' hizí'go, nt'éshí' bégodzidi túnteel biyi'dí' hagaalgo hiłtsaa, bitsits'in gosts'idnhi, biyeshdeehíí gonenánihi, biyeshdeehíí biká'gee nant'án bich'ah bik'edaadez'aa, áídí' daabitsits'in Bik'ehgo'ihí'naán doo daidnłsı dahíí bizhi' dahnagoz'aa. ²Nt'éshí' bégodzidi hiłtsaa'íí gidicho biká' daats'idilhiłíí, leopard holzéhi, ga'anolini, bikeehíí shash bikee ga'at'éhi, bizé'íí ndóicho bizé' ga'at'éhi: t'iishchohíí dabíí binawod n'íí, nant'án biká'dahsdáhi yiká' dahsdaa n'íí, ła'íí dahot'éhé yebik'eh n'íí baa yidin'áá. ³Dała'á bitsits'iníí bin'ıdolnıh datsaah ngoln'íí n'íí násdzı'ı'go hiłtsaa: ni'gosdzán biká' nneehíí dawa nt'éshí' bégodzidihíí bił díyadaagot'eego yiké' onalsáá. ⁴Nnee t'iishcho daayokaah, binawod n'íí nt'éshí' bégodzidi yaa din'áni: ła'íí nnee nt'éshí' bégodzidi daayokaah gádaaniigo, Hadíınshá' nt'éshí' bégodzidi ga'at'éé? Hadíınshá' yíl nagonłkaadgo yinel'áá? ⁵Nt'éshí' bégodzidi bizé'dí' yati' ye'idilkaahíí, ła'íí Bik'ehgo'ihí'naán ncho'go yaa yałti'go baa godet'aa; ła'íí dizdin naki dahitaayú nant'aago ałdó' baa godet'aa. ⁶Áík'ehgo hadzii, Bik'ehgo'ihí'naán yich'í' ncho'go hadziigo, bizhi'íí ncho'go yaa yałti'go, hik'e kıl biyi' daach'okaahíí ła'íí yaaká'yú daagolíníí ałdó' ncho'go yaa yałti'go hadzii nkegonyaa. ⁷Áídí' nnee Bik'ehgo'ihí'naán báhadaadeszaahíí yich'í' nagonłkaadi' bitisgo hileehgo ałdó' baa godet'aa; ła'íí nnee iltah at'éégo hadaazi'yíí, iltah at'éégo yádaalti'íí, nnee binant'a' dała'áhií il'aniyú naznılíí yá nant'a' hileehgo baa godet'aa. ⁸Dawa ni'gosdzán biká' daagolíníí dała'á daantı'ı'gee, ni'gosdzán nni't'aadá' dibelíí **biZhaazhé** nlíni zesdiinií binaltsoos be'ihí'náhi doo hak'e bizhi' bá ágolzaa dahíí daayokaah doleeł. ⁹Dahadín bijeyi' golíníí íyésts'aa le'. ¹⁰Dahadín yisná áyil'inií isná ábididolnıil doleeł: dahadín bésh yee izilhiinií bésh bee bidizodeeł. Áí bigha nnee Bik'ehgo'ihí'naán báhadaadeszaahíí nyee ndi dahńldoh le', ła'íí da'odłaa le'. ¹¹Áídí' ni'gosdzán biyi'dí' nt'éshí' bégodzidi ła'ihí hanaanádzaago hiłtsaa; dibelíí bizhaazhé biyeshdeehíí k'ehgo biyeshdee naki golíni, t'iishcho k'ehgo yałti'hi. ¹²Dantsé nt'éshí' bégodzidi dá bináál yee nant'aa n'íí yee naná'ıdziid, ła'íí

ni'gosdzán hik'e ni'gosdzán biká' daagolíníí nt'éshj bégodzidi biní'dolnih datsaah ngolníí n'íí nádzihií daayokaqahgo ábi'dilzaa. ¹³Ígozigo be'ígózini ánáyol'íí, nnee bináál yaaká'dí' kq' gódah ch'ínaltq'go áil'íí, ni'gosdzán biká'zhí'. ¹⁴Dantsé nt'éshj bégodzidi bináál godiyhgo ánáyol'íí baa godet'aa n'íí bee ni'gosdzán biká' daagolíníí ch'a'oyiníí gáyíniigo, Nt'éshj bégodzidi bésh bee biní'dolnih ndi t'ah hínaahíí be'ilzaago ádaahle'. ¹⁵Áí be'ilzaahíí náhi'naadí' yati'go áiléhgo baa godet'aa, la'íí be'ilzaahíí doo daayokaqah dahíí nabi'ditseedgo aldó' baa godet'aa. ¹⁶Nnee dawa, doo ízigo ádaat'ee dahíí hik'e ízigo ádaat'eehíí, hádaaldzilíí hik'e tédaat'iyéhíí, doo isná daanlíí dahíí hik'e isná daanliiníí, bigan dihe'nazhinéégo dagohíí bitá'yú bídaadinidlidgo áile': ¹⁷Doo hadín baa ná'niihgo dagohíí ná'niihgo bá goz'aa da, nnee bídaadinidlidíí zhá, dagohíí nt'éshj bégodzidi bizhi' dagohíí bizhi' behotagíí biká' dahgoz'aaníí. ¹⁸Díínko goch'iyá'yúgo zhá bígoch'íshj. Hadín yígólsiníí, nt'éshj bégodzidi behotagíí yóltag le': nnee behotagi at'éé, behotagíí gostádn gonenadín iká'yú gostádn gostán.

14 ¹Áídá' dé'jidgo dibelíí **biZhaazhé** nlíni dzil **Sion** holzéhi yiká' dahszigo hihtsaq, dała'a gonenadín doo náhóltagyú áídí' iká'yú dizdin díí'i doo náhóltagyú yil nadaazji, dibelíí biZhaazhé nlíni biTaa bizhi'íí daabitá'gee dahnagoz'aaqo. ²Yaaká'dí' kozhiihíí disiits'áq, tú nalííhíí k'ehgo, ádíid idi'niihíí k'ehgo: nnee tsibe'idot'áté yee da'do'aalíí áhihts'ago disiits'áq: ³Nant'án biká'dahsdáhi, díí'i nt'éshj daahínaahíí hik'e nnee bádaayaányúhíí bádihgee nadaazjigo si áníidéhi daido'aak: gonenadín doo náhóltagyú áídí' iká'yú dizdin díí'i doo náhóltagyú ni'gosdzán biká' nnee bitahdí' hanáhaz'nííí zhá áí shíí yígo'aah. ⁴Díínko doo isdzáné nant'í'go yil naskai da: doo nt'é bee baa dahdaagost'aa da. Áí dibelíí **biZhaazhé** nlíni dáhayú anádaatyú yiké' anákaihíí ádaat'ee. Áí nnee bitahdí' hanáhaz'níí, Bik'ehgo'ihí'naán hik'e dibelíí **biZhaazhé** nlíni bá ntsé nest'aaqahíí k'ehgo hanáhaz'níí. ⁵Doo nadaach'aago yádaalti' da: Bik'ehgo'ihí'naán nant'aago dahsdaahíí bádihgee nadaazjigo doo hayú baa dahdaagost'áni da. ⁶La' Bik'ehgo'ihí'naán binal'a'a yá'ílní' ts'í'nan oníihgo naahíhtsaq, nnee ni'gosdzán yiká' daagolíníí yati' baa gozhóni doo ngonel'aa dahíí yee yil nagolní'go, nnee binant'a' dała'áhníí i'panigo naznilií, nnee íltah at'éégo hadaazt'ííí, nnee íltah at'éégo yádaalti'íí, la'íí nnee daanliiníí yil nagolní'go, ⁷Ádíid yich'í' gáníí, Bik'ehgo'ihí'naán daadinołsigo ba'ihédaanołsi, aayałti'gee biká' ngonayaahíí bigha: yáá hik'e ni'gosdzán la'íí túnteel hik'e tú hadaazliiníí dawa áyíílaahníí daahohkaqah. ⁸La' Bik'ehgo'ihí'naán binal'a'a iké' ná'oníih gáníígo, Bábylon, ízigo kih goznilií, nágo', nágo', áí nant'í' na'idaahíí hách'it'íígo ákoléhi, nnee íltah at'éégo hadaazt'ííí daayidlaqo áyíílaahíí bigha. ⁹Bik'ehgo'ihí'naán binal'a'a taadngee iké' ná'oníihgo adíid gáníí, Dahadínta nt'éshj bégodzidi, dagohíí be'ilzaahíí yokaqahíí, áí bibe'ídinidlidé bitá' dagohíí biganyú bee ídinidlidíí, ¹⁰Bik'ehgo'ihí'naán bits'á'dí'go koniidaagodilne'íí, doo nt'é bil nadisdziidgo bihashke'íí idee biyi' yaa hidziidíí yidodliłł; Bik'ehgo'ihí'naán binadaal'a'a dilzini hik'e dibelíí **biZhaazhé** nlíni bináál

kq' hik'e tsétikq'i bee dážhó biniigodidolníf. ¹¹Biniidaagodilne'íí bits'á'dí' lidíí hadag odihinéh, doo ngonel'áa dayú dahazhí': doo hadaayoł da, jíígee, t'é'gee ndi, díí nt'éshí bégodzidi hik'e be'ilzaahi daayokaqahíí, hadíní áí bizhi'íí bee bídinidlidíí. ¹²Díínko nnee Bik'ehgo'ihí'nań báhadaadeszaahíí nyee ndi dahńldqhgo bígózí: áí Bik'ehgo'ihí'nań yengon'ááníí daayota'íí, la'íí Jesus daayodlaaníí ádaat'ee. ¹³Áídí' kozhii yaaká'dí' gáshilńiigo disiiits'áá, Díí ágóle', Kodí' godezt'i'go nohweBik'ehń daayodlaągo nanezna'íí biyaa gozhóq doleel: Da'anii biyaa gozhóq doleel, nni, Holy Spirit, doo nanádaadziid dago hádaayoł; ánádaat'íí n'íí biké' bíł ogoyáá. ¹⁴Áídí' dé'íidgo yaak'os ligai hiłtsaa, yaak'os yiká' dahsdaahíí nnee ga'anolini, nant'an bich'ah, óodo be'alzaahi, bik'edn'áá, la'íí t'oh bená'ilttishé deníni dahyotíígo. ¹⁵Bik'ehgo'ihí'nań binal'a'á la'í da'ch'okaqah goz'aqadí' ch'ínyáá, yaak'os yiká' dahsdaahn ádíid yich'i' dilwosh gáníigo, Nibená'ilttishé bee ni'igéesh: ná'igeeshíí iłk'idá' biká' ngonyáá; ni'gosdzán biká' nest'a'íí iłk'idá' daanest'áa. ¹⁶Áík'ehgo yaak'os yiká' dahsdaahn bibená'ilttishí yee ideshłtzhgo ni'gosdzán yiká' aqł ná'igizh. ¹⁷Áídí' la'í Bik'ehgo'ihí'nań binal'a'á yaaká'yú da'ch'okaqah goz'aqadí' ch'ínánádzaa, bíł áłdó' t'oh bená'ilttishé deníni dahyotíí. ¹⁸Áídí' la'í Bik'ehgo'ihí'nań binal'a'á be'okaqahi biká' dahnási'níi goz'aqadí' ch'ínánádzaa, án kq' yebik'éhíí; án t'oh bená'ilttishé deníni dahyotíí yich'i' ádíid gánńiid, Nibená'ilttishé deníni bee ni'igéesh, ni'gosdzán biká' dahts'aa nanesdzíí bits'á'dí' dahts'aahíí nahıłgéesh, bidahts'aa daanest'áahíí bigha. ¹⁹Áík'ehgo Bik'ehgo'ihí'nań binal'a'á bibená'ilttishé yee ideshłtzhgo ni'gosdzán biká' dahts'aahíí nayiheshgizhdí' lenáyihzlaago dahts'aa hahigeęsi gochaa'i goz'aq yune' oyihiskaad, Bik'ehgo'ihí'nań bihashke' bengonyáágo ágodoníí. ²⁰Kih gozníí da'anahyú dahts'aa hahigeęs goz'aqagee dahts'aa biká' nakai, áí bits'á'dí' díł halíí, híí biza'áh nel'aaníí ga'áhosahgo díł nel'áa, nanigohíí dał'a'á doo náhółtagyú áídí' iká'yú gostán gonenadín **furlongs** ga'áhosahgo nehenkáá.

15 ¹Áídá' be'igóziníí, dážhó ízisgo at'éhi, koł díyadaagot'éhi, yaaká'yú naahıłtsaa, Bik'ehgo'ihí'nań binal'a'á gosts'idihi, góyéego nagowaahíí gosts'idýú at'éhi, da'iké'yúhi; Bik'ehgo'ihí'nań bihashke'íí bee nnágódáhi dahdaayokaal. ²Áídí' dolyiini náhenkááníí kq' bíł nadisdziidi ga'anolıhgo hiłtsaa: nt'éshí bégodzidi hik'e be'ilzaahíí la'íí bizhi'íí be'isdzohíí la'íí behotagíí yaa daagonesnaahíí Bik'ehgo'ihí'nań bibe'idot'álé dahdaayotíígo dolyiini náhenkááníí yiká'yú nadaazíí. ³Bik'ehgo'ihí'nań yána'iziidi n'íí, Moses holzéhi, hik'e dibetíí **biZhaazhé** nłíni biyini daido'áál, gádaaniigo, Bik'ehgo'ihí'nań nohweBik'ehń, Dák'a'ánt'éhi, ánánt'ííhíí ízisgo at'éé; nnee ná hadaadeszaahíí bá Nant'áahíí, gosínł'aaníí da'áígee hik'e da'anii. ⁴Hadínshq' doo nidńłsı da, nohweBik'ehń, hadínshq' nizhi' doo ya'ihéńzı da? Ni zhá dilzini nłíí: nnee ıłtah at'éégo hadaazt'i'íí dawa nich'i' níkáhgo daanokaqah doleel; nnee hagot'éégo bá ngon'áa n'íí bee ínlaahíí bigha. ⁵Díí bikédí'go dé'íidgo,

yaaká'yú gowa golgai Bik'ehgo'ihí'nań koł nłııgo bee bıgoch'ılsinıı biyi' yune' da'ch'okaqah goz'aanıı ııts'ą' adzaa: ⁶Áı biyi'dı' Bik'ehgo'ihí'nań binal'a'á gots'ıdihı góyéégo nagowaahıı yıł hikai, nak'ą'tigai nzhqogo bik'etádnđláadıı bik'enda'izlaago, ıa'ıı bitılyú óodo bizisgo binast'ı'. ⁷Áıdı' nt'eshı daahınaahıı dıı'ı dała'a Bik'ehgo'ihí'nań binal'a'á gots'ıdihı, gots'ıdn idee óodo be'alzaahi bitaadaasnil, áı ideehıı Bik'ehgo'ihí'nań doo ngonel'ąa dayú dahazhı' hınaahıı bihashke' halk'ıłhi. ⁸Da'ch'okaqah goz'aanıı Bik'ehgo'ihí'nań bits'ą'idındláadıı hik'e binawodıı bits'ą'dı' ııdi bee hadezbıh; nıee doo ıa' ha'agháhgo yınel'ąa da, gots'ıdn góyéégo benagowaahıı Bik'ehgo'ihí'nań binal'a'á gots'ıdi yıł hikai n'ıı ąał yeda'ıláago zhá.

16 ¹Áıdı' kıh biyi' da'ch'okaqahıı biyi'dı' kozhıihıı dilwoshgo disıits'ąá, Bik'ehgo'ihí'nań binal'a'á gáyıłnııgo, Tıı, idee gots'ıdi Bik'ehgo'ihí'nań bihashke' halk'ıı biyi' sıziıdıı ni'gosdzán biká'zhı' yadaahohkaah. ²Áık'ehgo Bik'ehgo'ihí'nań binal'a'á dantséhihıı bi'ıdee biyi' sıziıdıı ni'gosdzán biká'zhı' yayiziıdıı dábilgo dahadıń nt'eshı bégodzıdi bee bıdinıdłıdıı hik'e be'ılzaahıı daayokaqahıı ıqóđ nchq'ı dážhó nıııhi biká'zhı' ádaadzaa. ³Bik'ehgo'ihí'nań binal'a'á nakıdngeehıı bi'ıdee biyi' sıziıdıı túnteel biká'zhı' yayiziıdıı dábilgo nıee daztsaqahıı bıdıł ga'ánolııhgo silıı: áıdı' túnteel biyi'yú daagolıı n'ıı dawa nanezna'. ⁴Bik'ehgo'ihí'nań binal'a'á taadngeehıı bi'ıdee biyi' sıziıdıı tú daanlımıı hik'e tú hádaazlıinıı biká'zhı' yayiziıdıı dábilgo dıł daasıııı. ⁵Bik'ehgo'ihí'nań binal'a'á tú yebik'ehı gánııgo disıits'ąá, Da'áıgee ánt'ée, Bik'ehgo'ihí'nań, ıılmi, ıılıı n'ıı, ıılıı doleeıı, áı k'ehgo bá ngón'ąáhıı bigıa. ⁶Nıee ná hadaadeszaahıı ıa'ıı binkááyú na'ızııdi n'ıı nadaaztseedgo bıdıł da'dezjool, áı bigıa dıł daahıdłáago ánádaasındlaa; da'ái bich'ı' goldoh ni'. ⁷Áıdı' ıa'ıı, be'okaqahıı biká' dahnası'nıı biyi'dı' dilwoshgo, gánııgo nádisıits'ąá, Da'anıı gánıı, Bik'ehgo'ihí'nań nohweBik'ehń, Dák'a'ánt'ehı, kándaago'ahıı da'anıı, da'áıgee at'ée. ⁸Bik'ehgo'ihí'nań binal'a'á dııdngeehıı bi'ıdee biyi' sıziıdıı ya'ái biká'zhı' yayiziıdgo dábilgo, nıee kq' bee daadıdıldgo baa godet'ąa. ⁹Kq' dážhó sidogi bee nıee daanlıd lék'e, Bik'ehgo'ihí'nań, dıı góyéégo nagowaahıı yebik'ehıı, bizhi'ıı nchq'go ádaayıłnıı: áıdı' daabinchq'ıı doo yıts'ą'zhı' ánádaasdzaa da, ıa'ıı Bik'ehgo'ihí'nań doo daıdnłsı da. ¹⁰Bik'ehgo'ihí'nań binal'a'á ashđladngeehıı bi'ıdee biyi' sıziıdıı nt'eshı bégodzıdi biká'dahsdáhi yıká'dı' nant'aahıı biká'zhı' yayiziıdıı dábilgo yebik'ehıı dawa dııhı silıı; nıee dážhó nıııhıı bigıa bizaa daayi'aal, ¹¹Lóód hik'e bıł nada'dıni'hıı bigıa Bik'ehgo'ihí'nań yaaká'yú gólıınıı nchq'go ádaayıłnıı: ıa'ıı nchq'go ánádaat'ııhıı doo yıts'ą'zhı' ánádaasdzaa da. ¹²Bik'ehgo'ihí'nań binal'a'á gostádngeehıı bi'ıdee biyi' sıziıdıı tú ıáágo nlımıı, Euphrátes holzéhi, biká'zhı' yayiziıdıı dábilgo náhisga, ya'ái hanadáhdı'go nant'án daanlımıı bá ıłch'ı'golıe'go. ¹³Áıdı' tı'ıshcho bizé'dı', nt'eshı bégodzıdi bizé'dı', ıa'ıı Bik'ehgo'ihí'nań binkááyú na'ızııdi ádıł'ıni bizé'dı' taagi spirits nchq'ı tústłohé ga'ánolıni hahıkáhgo hıłtsaq. ¹⁴Áı spirits-hıı ch'ıidn daanlıı, godıyıhgo ánáyol'ııı, áı ni'gosdzán

dágoz'ąą nt'éégo íziso nant'án daanliiníí yich'i'í okaigo dawa íla'ánáidle'go, Bik'ehgo'íhi'nań Dák'a'at'éhíhí íziso na'diziidíí bijíí nadaagondííkaadgo. ¹⁵In'ííhíí k'ehgo nánsháh. Hadín déz'iiníí, bidiyágé gólíígo, doo dálichigo hidotseeł dahíí bighą, án biyaa gozhóq doleeł. ¹⁶Hebrew biyati'íí k'ehgo Armagéddon golzeegee íla'áyíílaa. ¹⁷Bik'ehgo'íhi'nań binal'a'á gots'idngeehíí bi'idee biyi' siziidíí ts'ídag náideznííí dábilgo yaak'áyú k'ih biyi' da'ch'okąąhdí' nant'án biká'dahsdáhi bits'ą'dí' kozhii ádjídgo gánniid, Aął begolzaa. ¹⁸Áí dábilgo kozhii ádjíd áíłts'ag, idi'nii, hada'didla; ni' yat'éégo nagohi'naa, nnee ni'gospdzán biká'gee daagolíígo godeyaadí' yushdí' godezt'i'go ni' yat'éégo godiis'naa k'ehgo at'éégo doo hwaa ágone'i da. ¹⁹Íziso k'ih goznííí taagiyú íłk'é'níí, áidí' nnee íłtah at'éégo hadaazt'i'íí bik'ih nagoznilií nadaagozgo: íziso k'ih goznííí Bábylon holzéhi, Bik'ehgo'íhi'nań yínálniiigo idee yat'éégo bihashke'íí halk'íli biyi'dí' ąął yidłąągo áyíílaa. ²⁰Ni' táyi' dahnagoznilií dawa hayúshj ch'adaagoyáá, ła'íí dzilíí doo ła' hit'íí da silíi. ²¹Áidí' hilóí dážhó nchaahi, dała'á gonenadín dahdidleegohíí, yaak'ádí' nnee biká' náłtąą: hilóí náłtąą nagont'og dážhó bégodzidihíí bighą nnee Bik'ehgo'íhi'nań nchó'go ádaayíłnií lėk'e.

17 ¹Bik'ehgo'íhi'nań binal'a'á gots'idi, idee gots'idi dahdaayonííí dała'á shich'i'í nyáágo gáshíłniiid, Yushde' kú nńáh; bizhaan íziso nant'i'í nagháhi, tú łąągo íłtah at'ééyú nazkaaníí yiká' dahsdaahíí, baa yá'iti'íí nił ch'i'ńah ashłe; ²Áń ni'gospdzán biká' nnee bánadaant'aahíí yíł nant'i'í nadaaskaihi, nant'i'í na'idaahíí hách'it'iiníí bich'i'í ch'idłąąhíí bee bił nádaagodizyis. ³Bik'ehgo'íhi'nań binal'a'áhíí, Holy Spirit shiká'zhj' adzaago, da'igolííyú oshíłtíí; áígee isdzán híłtsąą, nt'éshj bégodzidi dážhó kich'i'í yiká' dahsdaago, Bik'ehgo'íhi'nań ádaadil'iiníí dahot'éhé biká' dá bizhi' zháhi dahnagoz'áni, bitsits'in gots'idihidá' biyeshdee gonenaní. ⁴Isdzánhíí kichii dot'izhi hik'e dážhó kichii bik'esilaa, óodo hik'e tséé dénzhónéhi ła'íí dilkqohé baa dahnaznii, ła'íí óodo ideehíí, nchó'i hik'e nant'i'í na'idaahi nchó'i dawa yee halk'íłgo, dahyokaak: ⁵Bizhi'hi bitá'gee dahgoz'ąą, NT'ÉSHJ DOO BÍGÓZINÍÍ, BÁBYLON ÍZISGO AT'ÉHI, NANT'I' NAKAIHÍÍ HIK'E NI'GOSDZÁN BIKÁ' NCHÓ'GO ÁGOT'EEHÍÍ BĄĄ NLÍNI. ⁶Nnee Bik'ehgo'íhi'nań báhadaadeszaahi daabidííí, hik'e ínashood Jesus bighą nabi'distseedi daabidííí bee isdzán bił nágodizyisgo híłtsąą: híłtsąądá' dážhó shíł díyagodzaa. ⁷Bik'ehgo'íhi'nań binal'a'á gáshíłniiid, Hant'é bighą nił díyagodzaa? Díí doo bígózi dahíí isdzán, ła'íí nt'éshj bégodzidi dahbogheehíí bitsits'in gots'idi ła'íí biyeshdee gonenanhi, baa nił nagoshni'. ⁸Áí nt'éshj bégodzidi hinłtsąą n'íí, nłj n'íí, k'adíí da'áđhi: o'i'án doo ni'i'ánhi dadí' hagháhi, da'ilíí hileehzhj': ni'gospdzán biká' daagoliiiníí, ni'gospdzán nnit'aadá' naltsoos be'ihí'ńáhi biká' daabizhi' doo hak'i dahnagoz'ąą dahíí, nt'éshj bégodzidi daayíłtsąągo yaa bił díyadaagot'ee doo, áí nłj n'íí, k'adíí da'áđhi, ndi nanádáhi. ⁹Goyááníí bee natsekeesíí díí bił ígoziłh. Bitsits'in gots'idihíí dzilgosts'idi ádaat'ee,

ái isdzán yiká' dahsdáhi. ¹⁰Ła'íi ízigo nadaant'aahíi gots'idi ádaat'ee: ashdla'ihíi nandee, dała'a t'ah nant'aa, ła'íi doo hwaa higháh da; án nýáágo dé't'ihézhí' nant'aa doo. ¹¹Nt'éshí bégodzidi nłií n'íi, k'adíi da'ádíhi, tsebidngee nant'aahíi át'ée, ndihíi gots'idi itah nłini. da'ilíi hileeh yune' diyaa. ¹²Ła'íi biyeshdee gonenáni hinłtsaaníi, ízigo nant'an ádaat'ee, ndi doo hwahá nant'an daaleeh da; ádá' dała'a łedihikeezzhí' nt'éshí bégodzidi yil nant'aago baa daagodest'aą. ¹³Daabiini'íi dała'a nádleehgo daabinawodíi hik'e yedaabik'ehíi nt'éshí bégodzidi yaa daayiné' doleel. ¹⁴Ái dibelíi **biZhaazhé** nłini yil nadaagodłkaad, ndihíi dibelíi **biZhaazhé** nłinihíi bitis hileeh: án nant'an daanliiníi yeBik'ehń, ízigo nant'an daanliiníi biNant'a: án yil nakaihíi daabi'dokéed, habi'do'nil, nłt'éego yiké' nakai. ¹⁵Bik'ehgo'ihí'nań binal'a'a gánashildo'niid, Tú iltah at'éego nazkąąhi hinłtsąąhíi, bizhaan biká' dahsdaahíi, ái túhíi nnee iltah at'éego hadaazt'íi, nnee łáni, nnee binant'a' dała'áhíi il'aniyú naznłilí, ła'íi nnee iltah at'éego yádaat'íi ádaat'ee. ¹⁶Nt'éshí bégodzidi biyeshdee gonenanhi hinłtsąąhíi, ái bizhaaníi yik'edaanńiih doo, yó'odaayilt'e'go dáłichiigo ádaile', bits'íi daayiyąą ła'íi kó' bee daayidilid doo. ¹⁷Bik'ehgo'ihí'nań hát'íiníi da'adaane'go bijíi yune' hádaat'íigo áyíflaa, daabiini'íi dała'a ánádaidle'go, yedaabik'ehíi nt'éshí bégodzidi yaa daidi'aahgo, Bik'ehgo'ihí'nań biyati'íi dá begolzaazhí'. ¹⁸Isdzán hinłtsaaníi ízigo kłh goznłili at'ée, ái ni'goszdzán biká' ízigo nadaant'aahíi yá nant'áhi at'ée.

18 ¹Díi bikédł'go Bik'ehgo'ihí'nań binal'a'a ła'íi yaaká'dł'hayaa higaalgo hiłtsąą, dázhó binawod golínihi; bits'ą'idindłáádíi bee ni'goszdzán biká' got'íi sillí. ²Áđiđ dilwoshgo gáníi, Bábylon, dázhó ízigo at'ée n'íi nágo', nágo', áígee ch'iidn daagolłi sillí, spirits daanchó'i dawa áígee ndaagozle', dló' daanchó'i hik'e dló' bik'e daach'isch'íi'íi áígee ndaagozle' áłdó'. ³Bizhaan biwine bich'í' nant'í' na'idad há'it'íihíi bee nnee iltah at'éego hadaazt'íi bíł nádaagodizyis, nnee ízigo nadaant'aahíi bizhaaníi yil nant'í' nadaaskai, ła'íi ni'goszdzán biká' nnee dawahá baa nada'ńiihíi bizhaan dázhó háłdzilíi bits'ą'dł' hádaaldzil daasilłi. ⁴Ádí' ła' yaaká'dł'go kozhii nádisiits'ąą gáníigo, Shik'íyú, bizhaan bits'ą' nohkáh, dahyúgohíi nohwíi áłdó' binchó'íi be'ádaanoht'ee, ła'íi bich'í' góyéego nagowaahíi nohwíi áłdó' itah doo. ⁵Binchó'íi yaaká'yú nel'aągo yaa hi'aa, Bik'ehgo'ihí'nań án binchó'íi yénálnii. ⁶Hago ánát'íiđi k'ehgo bíi áłdó' ágánádaahdle', hago ánát'íiđi da'ágánáhołąago nakidn bich'í' nanáda'ońnił: idee biyi' ha'desbłhíi da'ágánáhołąago nakidn bá hanáda'đołbłh. ⁷Ída'odłłigo dawahá yee bíł gonedłłíhíi k'ehgo da'ágánáhołąago koniigodilne' hik'e chaał na'idaahíi baa daadohne': bijíi yune' gáđiłdi'ńii, Shíi ízigo isdzán nant'áhi dahsdaahíi nshłłi, doo itsaa nshłłi da, chaał na'idaahíi áshođ bee shaa godogaalgo. ⁸Ái bigą dáł'a jłigo iltah at'éego góyéego nagowaahíi bee baa godogaal, da'itsaahíi, chaał na'idaahíi, ła'íi shiná' góyéhi; kó' bee bidí'dodłłi: Bik'ehgo'ihí'nań nohweBik'ehń baa yałti'íi ízigo at'éehíi bigą. ⁹Ni'goszdzán biká' ízigo nadaant'aahíi yil nant'í' naskai n'íi, hik'e

yił bił daagonedlii n'íí, dilidíí bits'á'dí' hidíí daayo'iidá' baa daachag doo, la'íí natídaadindli'go daachag doo. ¹⁰Biniigodolne'íí yédaaldzidgo anahdí' nadaazii doo, gádaaniigo, Doo gozhóq da, doo gozhóq da, íziso gozhóq da, Bábylon, dák'a'at'éé n'íí! Dała'á ledihikeezíí biyi' naa yá'ti'íí ilk'idá' bengonyáá. ¹¹Ni'gosdzán biká' nnee dawahá baa nada'iniihíí baa daachag doo, la'íí chaal nakai doo; nnee doo la' baa naná'ihniih dahíí bigha: ¹²Óodo, béshligai, tséé ílíni, dilkqohé, nak'á'tigai nlt'éhi, lichii dot'izhi, masgágo, dázho lichii'íí, tsj itah at'éhi ilká daagolchiníí, bichih yee da'dilo'íí biwoo' ivory holzéhi be'adaaszaahíí, tsj laán ílíni be'adaaszaahíí, bésh, brass holzéhi, hik'e iron holzéhi, la'íí tséé marble holzéhi be'adaaszaahíí, ¹³Cínnamon holzéhi, likagolchini, ch'il bik'ah laán ílíni, jeeh didlidgo likagolchini, wine, ik'ah, ik'áan nlt'éhi, t'oh naghái, magashi, dibelíí, líí, tsinagháhi bijád nakihii, daabi'des'náhi, la'íí nnee daanliiníí. ¹⁴La'íí nest'a' dázho hánt'ij n'íí nits'á'zhí' bengonyáá, la'íí dázho itisgo nlt'éehíí hik'e bee íziso ánt'éehíí nits'á' da'ilíí silíí, dahazhi' doo nahintséhgo da. ¹⁵Nnee áí baa nada'iniihíí isdzánhíí bits'á'dí' hádaaldzil daasiliiníí, isdzánhíí biniigodilne'íí yédaaldzidgo, daachago natídaadindli'go da'anahyú nadaazii doo, ¹⁶Gádaaniigo, Doo gozhóq da, doo gozhóq da, íziso gozhóq da, n'íí, nak'á'tigai dázho nlt'éhi, hik'e dot'izhgo lichii'íí, la'íí dázho lichii'íí bee bik'e'izlaa ni, óodo, la'íí tséé ílínií, la'íí dilkqohé bee bik'esinil ni. ¹⁷Dawahá bee há'ildzil n'íí dała'á ledihikeezhí' doo nt'é da silíí laq. Tsina'eehíí yiká' nadaant'aahíí, dawa bił nada'í'eehíí, nada'ih'eehíí, la'íí dahayú nada'ih'eehyú baa nada'iniih la'íí nada'ihniihíí da'anahyú nadaazii. ¹⁸Dilidíí bits'á'dí' hidíí daayo'ijgo nádaadidilghaazhgo gádaanii, Díí íziso gozhóq da, doo gozhóq da, doo gozhóq da, íziso gozhóq da, la' ga'at'éé da ni! ¹⁹Daachago natídaadindli'go bitsits'in biká'zhí' leezh daiłke' gádaaniigo, Doo gozhóq da, doo gozhóq da, íziso gozhóq da, yee hádaaldzili bitsina'eehíí daagolíníí yee hádaaldzil n'íí! Dała'á ledihikeezhí' doo nt'é da silíí. ²⁰Yaaká'yú daagonohíni, nadaal'a'á dilzini daanohíni, la'íí Bik'ehgo'ih'i'nañ nohwinkááyú nada'iziidi, nohwil daagozhóq le'; Bik'ehgo'ih'i'nañ íziso gozhóq da, doo gozhóq da, íziso gozhóq da, la'íí tséé be'ik'áhé ga'at'éhi nchaahi náidn'aago túnteel yiyi' oyiné' gáníigo, Da'ágát'éégo íziso gozhóq da, Bábylon holzéhi, ts'iltáago doo hagee nát'ij da doleeł. ²²Tsibe'idot'álé yee da'do'aahíí, bee dot'álé yédaagołsiníí, tsjsól yee da'do'aahíí, hik'e béshdilwoshé yee da'do'aahíí dawa niyi'yú doo hagee naadiits'ih da doleeł; nnee dawahá áiléhi, hagot'éégo áiléhi daanliiníí, nitahyú doo hagee nát'ij da doleeł; nitahyú tséé ik'aago áhiłts'agíí doo hagee naadits'ag da doleeł; ²³Nitahyú ik'ah kq'íí bits'á'idindíiníí da'ádih doleeł; nnee niinéhíí hik'e isdzán niinéhíí bizhii doo hagee naadiits'ih da doleeł; nnee nitahyú baa na'iniihíí íziso nandee ni, ni'gosdzán biká'; nitahyú iyónziníí nnee itah at'éégo hadaazt'í'íí dawa ch'a'ónil ni. ²⁴Bik'ehgo'ih'i'nañ binkááyú nada'iziidi n'íí bidil, nnee Bik'ehgo'ih'i'nañ bá hadaadeszaa n'íí bidil, la'íí nnee ni'gosdzán biká' nadaastseedíí dawa bidil íziso gozhóq da, doo gozhóq da, íziso gozhóq da, la'íí tséé be'ik'áhé ga'at'éhi nchaahi náidn'aago túnteel yiyi' oyiné' gáníigo, Da'ágát'éégo íziso gozhóq da, Bábylon holzéhi, ts'iltáago doo hagee nát'ij da doleeł. ²²Tsibe'idot'álé yee da'do'aahíí, bee dot'álé yédaagołsiníí, tsjsól yee da'do'aahíí, hik'e béshdilwoshé yee da'do'aahíí dawa niyi'yú doo hagee naadiits'ih da doleeł; nnee dawahá áiléhi, hagot'éégo áiléhi daanliiníí, nitahyú doo hagee nát'ij da doleeł; nitahyú tséé ik'aago áhiłts'agíí doo hagee naadits'ag da doleeł; ²³Nitahyú ik'ah kq'íí bits'á'idindíiníí da'ádih doleeł; nnee niinéhíí hik'e isdzán niinéhíí bizhii doo hagee naadiits'ih da doleeł; nnee nitahyú baa na'iniihíí íziso nandee ni, ni'gosdzán biká'; nitahyú iyónziníí nnee itah at'éégo hadaazt'í'íí dawa ch'a'ónil ni. ²⁴Bik'ehgo'ih'i'nañ binkááyú nada'iziidi n'íí bidil, nnee Bik'ehgo'ih'i'nañ bá hadaadeszaa n'íí bidil, la'íí nnee ni'gosdzán biká' nadaastseedíí dawa bidil íziso gozhóq da, doo gozhóq da, íziso gozhóq da, la'íí tséé be'ik'áhé ga'at'éhi nchaahi náidn'aago túnteel yiyi' oyiné' gáníigo, Da'ágát'éégo íziso gozhóq da, Bábylon holzéhi, ts'iltáago doo hagee nát'ij da doleeł.

19 ¹Díí bikédí'go nnee dážhó łáni yaaká'yú daadilwoshgo gádaaniigo disiits'áá, Bik'ehgo'ihí'nań nohweBik'ehń ba'ihégosį le'; Hasdách'igháhíí, ba'ihégondziníí, goch'idńsinií, ła'íí dawa yebik'ehíí bíyéhi at'ée. ²Da'aniigo ła'íí dážhó nńt'éeego aayałti'; bizhaan, ízisgo nant'į' nagháhi yee ni'gosdzán yłchqodi, yaa yałti', ła'íí bánada'iziidi naistseedhíí bighą yá t'aazhį' nanáhesnil. ³Áík'ehgo Bik'ehgo'ihí'nań ba'ihégosį le', ánadaado'niid. Áídí' tid kįh goznílíí bits'ą'dí'hi doo ngonel'ąą dayú hahitįí doleeł. ⁴Nńt'éeego bádaayańyú nadindį'į' ła'íí nńt'eshį daahinaahíí dí'į' biyahzhį' hayaa ádaasdaago Bik'ehgo'ihí'nań nant'aago dahsdaayú daayokaąh, gádaaniigo, Doleełgo at'ée; Bik'ehgo'ihí'nań ba'ihégosį le'. ⁵Áídí' nant'án biká'dahsdáhi bits'ą'dí' kozhii dits'ag gánįigo, Bik'ehgo'ihí'nań daahohikaąhń ba'ihédaanoįsį le', daanohwigha bánada'ohsiidíí, daanohwigha daabinońsinií, doo ízisgo ádaanoht'ee dahíí ła'íí ízisgo ádaanoht'eehíí. ⁶Nnee dážhó łáni ádaanii ga'áhiłts'ago, tú dážhó yat'éeego yaahilńni ga'áhiłts'ago, yat'éeego idi'ńiihíí k'ehgo áhiłts'ago disiits'áá, gádaaniigo, Bik'ehgo'ihí'nań ba'ihégosį le': Bik'ehgo'ihí'nań nohweBik'ehń dawa yebik'ehń yee nant'aa. ⁷Halaą nohwił daagozhqó le', nohwił daagonedliį le', án daadinłzi le': dibelį'į **biZhaazhé** nłni nińehíí biká' ngonyáago bi'aa hileehíí iłch'į'ádedlaa. ⁸Áí nak'ą'ligai dážhó nńt'ehi, doo chį dahi, dážhó ligaii bik'esilaa doleełgo baa godet'ąą: díí nak'ą'ligaihíí nnee Bik'ehgo'ihí'nań báhadaadeszaahíí bi'at'e' nzhóni at'ée. ⁹Nńt'éeego ágáshıńni, Díí bee ágóle', Hadńń dibelį'į **biZhaazhé** nłni nińáago bá da'idaąyú daabidokéedíí biyaa daagozhqó doleeł. Ágánáshıłdo'niid, Díí Bik'ehgo'ihí'nań da'anii áńihi. ¹⁰Áík'ehgo biyahzhį' hayaa asdaago hosıkáądí' gáshıńniid, Doo ágánt'į' da: ni hik'e nik'isyú Jesus baa nadaagolńi'go dała' nada'idziidi ádaant'ee: Bik'ehgo'ihí'nań zhą honkaąh: Bik'ehgo'ihí'nań binkááyú yádaaltı'íí Jesus baa nagolńi'hi dážhó itisyú yaa nagolńi' n'íí at'ée. ¹¹Yáá iłts'ą' ádzaago hıłłgai hiłtsaą; áí yiká' dahsdaahn Badach'olńi hik'e Da'anıhi holzee, án da'áígee ná'áyaltı' ła'íí nńt'éeego ágot'eehíí bighą nagonłkaad. ¹²Binaahíí kq' yadiinahíí ga'at'ée, bitsits'in biká' nant'án bich'ah łąągo dahnaznil; bizhi' dahgoz'ąą, áí nnee doo ła' yígółsį da, bíí zhą yígółsį. ¹³Íhíí dił biyi' nastsoozi bik'esilaa: án Bik'ehgo'ihí'nań biYati' holzee. ¹⁴Áík'ehgo yaaká'yú nadaagonłkaadíí hıłłgai bił hilwolńi biké' nńseeł, nak'ą'ligai dážhó nńt'ehi, dážhó ligaihi, doo chįh dahi bik'enazlaa. ¹⁵Bizé'dí' besh be'idilńtishé denini há'áá, áí nnee iłtah at'éeego hadaazt'ı'íí yee yihıłńiish doo; besh dahyotı'įgo nant'aa doo: ła'íí dahts'aa bitoo yiká' naghaago hayigeęsı k'ehgo Bik'ehgo'ihí'nań Dák'a'at'ehi bihashke' bégodzidi nnee yich'į' gode'aah. ¹⁶Bi'íí ła'íí bik'aizhį' bizhi' bek'e'eshchį, áí díí k'ehgo dahgoz'ąą, **ÍZISGO NANT'ÁN DAANLIINIÍ BINANT'A, NANT'ÁN DAANLIINIÍ YEBIK'EHŃ.** ¹⁷Nńt'éeego Bik'ehgo'ihí'nań binal'a'á ya'ái yi'į' sizįigo hiłtsaą; án dlq' yáá iłńi'yú nada'ıńiihíí dawa yich'į' nadidilghaazh gánįigo, Yushde', Bik'ehgo'ihí'nań ízisgo at'ehi bá da'idaąhíí baa ıła'ádaahne'; ¹⁸Ízisgo nant'án daabitsį,

silááda binant'a' daanlíni daabitsi', nnee ndaalwodi daabitsi', líí daabitsi', yiká' dahnaháztaaníí daabitsi', la'íí nnee dawa doo isná daanlii dahíí hik'e isná daanliiníí, doo ízisgo ádaat'ee dahíí hik'e ízisgo ádaat'eehíí daabitsi' daahsaą doleelhií bigha. ¹⁹Áidí' nt'eshi' bégodzidi hiłtsaa, la'íí ni'gosdzán biká' ízisgo nant'an daanliiníí bisilááda biłgo íla'ádaasdzaa, líí yiká' dahsdaahn bisilááda biłgo yił nagonłkaad doleelgo. ²⁰Nt'eshi' bégodzidi yisnáh silii, la'íí Bik'ehgo'ihí'nań binkááyú na'iziidi ádil'ini alđó' yisnáh silii, nt'eshi' bégodzidi bińaál godiyihgo aná'ol'iiłgo nnee nt'eshi' bégodzidi be'ídinidliđé bee bídi'nidliđihíí, la'íí bíí át'éego be'ilzaahíí daayokaąhíí yich'i' nazch'a'i. Díí da'ála dá daahinaago tséłko'i bił diltłi'go sikáni biyi' yuyaa oldeel. ²¹La'ihíí líí yiká' dahsdaahn bésh be'idiltłishé bizé'dí' há'áahíí yee nadaistseed: áík'ehgo dló' iltah at'éehíí áí daabitsi'íí yee náda'isdjíd.

20 ¹Áidí' Bik'ehgo'ihí'nań binal'a'a yaaká'dí' hayaa higaalgo, o'í'án doo ni'í'ánihi bá be'igeęsé hik'e bésh hishbizhií nchaahi dahyonilgo hiłtsaa. ²Áń t'iiishcho, doo aníí da t'iiishíí, ch'iidn nant'anhi, Satan holzéhi, yił ndéelgo dała'a doo náhółtagyú łegodzaazhi' hyst'łoogo, ³O'í'án yuńe' yó'olt'e' da'dentáđdí' o'í'geęz, nnee iltah at'éego hadaazt'í'íí yúwehyú doo ch'a'onayiniil dahíí bigha, dała'a doo náhółtagyú łegodzaazhi': áí biké'dí'go dé't'ihézhí' nanánt'ih doleel. ⁴Áidí' nadaant'áhi yiká' dahnaháztaaníí hiłtsaa go yiká' dahnaháztaaníí aayádaalti'go baa daagodest'aa: Jesus yaa nagolni'íí hik'e Bik'ehgo'ihí'nań biyati'híí bigha bik'os nadaahisk'i n'íí biyi' nazii n'íí hiłtsaa, áí nt'eshi' bégodzidi dagohíí be'ilzaahíí doo daayoskaąd dahíí, daabitá' dagohíí daabigan bebídaanidliđé doo bee bídaanidliđ dahíí; áí daahinaa násdliłgo, dała'a doo náhółtagyú łegodzaazhi' Christ yił nádaant'aah. ⁵Lahzhi' nanezna'íí doo daahinaa násdlił da, dała'a doo náhółtagyú łegodzaahíí aąłgo zhá. Díńko dantsé nanezna'íí naadikáhgee. ⁶Dantsé nanezna'íí naadikáhgee hadín yitah naadiidzaahíí biyaa gozhóq hik'e bił godiyini at'éé: iké'gee daná'itsaahíí doo hago ábile' da doo, ndi Bik'ehgo'ihí'nań hik'e Christ bi'okaąh yebik'ehíí daanlii doleel, dała'a doo náhółtagyú łegodzaazhi' yił nadaant'aah doo. ⁷Dała'a doo náhółtagyú łegodzaahíí aąłgo Satan ha'ásitjíd' ch'ínálteeh. ⁸Áidí' dí'í'yú ni'gosdzán biká' goz'aa'yú iltah at'éego hadaazt'í'íí, Gog hik'e Magog daagolzeehíí, ch'ayiniilyú nagonłkaad doleelhií bigha íla'ánáln'e'yú hágháh: áí túnteel tábaą sáhií k'ehgo da'áhołaa doo. ⁹Ni'gosdzán nteelíí biká' dahnádnłsaa, nnee Bik'ehgo'ihí'nań báhadaadeszaahíí daagolłííge bińaa, hik'e kiih goznili koł daanzhóni bińaa łéđnt'í' silii: áidá' yaaká'dí' ko' nkednnágo aął daabi'nłíd. ¹⁰Áidí' ch'iidn nant'an bich'i' nazhch'a'íí ko' hik'e tséłko'i bił diltłi'go sikáni biyi' yuyaa olt'e', hayú nt'eshi' bégodzidi hik'e Bik'ehgo'ihí'nań binkááyú na'iziidi ádil'inihíí naháztaayú, áígee jii hik'e t'é'go goyéé bich'i' nagowaa doo, doo ngonel'aa dayú dahazhi'. ¹¹Áidí' nant'an biká'dahsdáhi łigaihi nchaahi, hik'e yiká' dahsdaahn hiłtsaa, an bits'á'dí' ni'gosdzán hik'e yáá bił ogoyáá; áidí' doo hayú goz'aa da lėk'e. ¹²Nanezna'íí doo ízisgo

ádaat'ee dahíí hik'e íziso ádaat'eehíí Bik'ehgo'ihí'nań bidáhdí' nadaazí'go hiłtsaa; ádíí' naltsoos iłts'á' ádaadzaa: ła'i naltsoos iłts'á' nanádzaa, áí naltsoos be'ihí'náhi: nanezna' n'íí hant'é ádaaszaahíí naltsoos biyi' k'e'eshchiiníí bee baa yáda'iti'. ¹³Túnteel biyi' nanezna' n'íí naadiikaigo áyíłlaa: da'itsaahdí' hik'e Ch'iidntahdí' nanezna' n'íí nanaadiikai: ádíí' dawa hant'é ádaaszaa shíhíí bigha baa yáda'iti'. ¹⁴Ádíí' da'itsaahíí hik'e Ch'iidntahíí kq' diltł'go sikáni biyi' yuyaa oldeel. Díínko nakidngee daná'itsaahi at'éé. ¹⁵Ádá' dahadín naltsoos be'ihí'náhi doo hak'i bizhi' biyi' dahgoz'aa dayúgo kq' diltł'go sikaaníí biyi' yuyaa olt'e'.

21 ¹Ádíí' yaaká' ánídéhi hik'e ni'gosdzán ánídéhi hiłtsaa: dantsé yaaká'híí hik'e dantsé ni'gosdzánhíí bech'ígonyáá; ádíí' túnteel ésdíid. ²Shíí, John, Jerúsalem ánídéhi, kįh godiyini goznili, yaaká'dí' Bik'ehgo'ihí'nań bits'á'dí' hayaa goldohgo hiłtsaa, na'ilíhn k'ad nnińéhgo bika' hileehíí yiba' ich'į'ádodlaahíí ga'at'éégo. ³Yaaká'dí' kozhii ádíid áiłts'ago disiiłts'á' gáníigo, Isaa, da'ch'okaqah goz'aaníí Bik'ehgo'ihí'nań yiyi' golííníí nnee bitahyú goz'aa, án bił daagolíigo nneehíí bichagháshé daanlii doleeł, Bik'ehgo'ihí'nań dabíí yil daagolíigo, bíí Bik'ehgo'ihí'nań daayokaqahń doleeł. ⁴Bik'ehgo'ihí'nań bińáá tú bá k'eda'ildéh doleeł; da'itsaahíí da'ádįh doleeł, doo koł gozhqó dahíí, daach'ichagíí, daach'inniihíí ndi da'ádįh doleeł: dantsé áí begoz'aa n'íí bech'ígóyááhíí bigha. ⁵Nant'an biká'dahsdáhi yiká' dahsdaahn gánniid, Isaa, dawahá ánídégo ánáshdléh. Ádá' shíí gáshíłnniid, K'e'ichíí: díí yati'íí da'anii ła'íí ba'olnli at'éé. ⁶Gánáshíłdo'niid, Aqł łalzaa. Shíí Áłpha hik'e Oméga, begodeyáhi hik'e bengont'i'i nshłi. Hadín dibá' nliiníí tú hińáhi halíłhíí bá ná'isįh, doo bigha nahi'niil dago. ⁷Hadín dawahá yitis siliiníí dawa bíyéé doleeł; Bik'ehgo'ihí'nań yokaqahń nshłi doleeł, shiye' nlii doleeł. ⁸Ádá' dawa yee nádaaldzidíí, doo da'odłaa dahíí, nchq'go ádaat'eehíí, nnee nadaiłtseedíí, nant'į' nakaihíí, iyodaanzihíí, nadn'ái daayokaqahíí, ła'íí léda'ilchoohíí dawa tséfiko'į' bił diltł'go sikáni biyi' yuyaa bá goz'aa: áí nakidngee daná'itsaahi at'éé. ⁹Áígee Bik'ehgo'ihí'nań binadaal'a'á gots'idihíí dała'á, its'aa gots'idi gots'idn góyéégo banagowaahíí bee halk'ihíí, yee dahikáli shaa nyáágo, shich'į' hadzii gáníigo, Yushd'é, isdzán ánii nńáhi, dibelł **biZhaazhé** nlíni bi'aahíí nił ch'į'nah ashłe'. ¹⁰Ádíí' Holy Spirit shiká'zhį' adzaago Bik'ehgo'ihí'nań binal'a'áhíí dzil dážhó nchaahi yúdahyúhi biká' oshilłtłí, áígee íziso kįh goznili, Jerúsalem godiyini, yaaká'dí' Bik'ehgo'ihí'nań bits'á'dí' bił nkegonyáágo shil ch'į'nah áyíłlaa, ¹¹Bik'ehgo'ihí'nań bits'á'idindláádíí bee bits'á'idindláád: bits'á'idindláádíí tséé dážhó lán ilíni, jasper holzéhi, déntónégo binkááyú got'įihíí ga'at'éé; ¹²Áí kįh goznili binaayú lé'ditł'ihíí dážhó nteel ádíí' dážhó yúdahgo alzaa lék'e, nakits'adahgo dáádítłh, áí da wago Bik'ehgo'ihí'nań binadaal'a'á nadaazii, Israel nakits'adahyú hat'į'íí daabizhi' dahnagoz'aa, dáádítłhíí biká'gee. ¹³Ya'ái hanadáhdí'go taadí' dáádítłh; nahokosé dahstaqdí'go taadí' dáádítłh; na'idi'ahdí'go taadí' dáádítłh; ya'ái onadáhdí'go aldo' taadí'

dáádítłh. ¹⁴Kìh goznílí binaayú lé'ditł'ihíí bitł'áágho nakits'adahgo istł'ihgo légodnt'i, dibetłí **biZhaazhé** nlíni binal'a'a nakits'adah daabizhi' áí biká' dahgoz'ąą. ¹⁵Shich'í' yafti'í be'ída'nel'ąąhé óodo be'alzaahi naitiit, áí kłh goznílí hik'e bidáádítłhíí, ła'í binaayú lé'ditł'ihíí yee yí'da'nel'ąągo. ¹⁶Kłh goznílí díízhí' hágodn'áá, naniigo dáne'niyú dáletł'ee: kłh goznílí be'ída'nel'ąąhé yee yída'nel'ąądgo nakits'adah doo náhóltagyú **furlongs** ga'áhosah. Naniigohí, dáne'niyúhíí, hik'e ts'ídagíí bílgo dáletł'ee. ¹⁷Áídí' binaayú lé'ditł'ihíí áldó' yí'nes'ąądgo dała'a gonenadín iká'yú dizdín díí'í nnee bigan íłhadit'ąądí' biganlataházhí' ngont'igo, áí Bik'ehgo'ihí'nań binal'a'a yaaká'yú góllíní k'ehgo at'ée. ¹⁸Binaayú lé'ditł'ihíí tsée lán ílíní, jáspér holzéhi, be'ágołzaa: kłh goznílí dá óodo zhá, dolyiini binkááyú got'ihíí ga'at'ehi, be'ágołzaa. ¹⁹Binaayú lé'ditł'ihíí bitł'ááh istł'íníí tsée íłtah at'ehi lán da'íllíníí bee dénzhónégo alzaa. Da'itségee itł'ááh istł'íníí jáspér holzéhi be'ágołzaa; nakígeehíí sápphire holzéhi; taadngeehíí chálcedony holzéhi; díí'igeehíí émerald holzéhi; ²⁰Ashdladngeehíí sárdonyx holzéhi; gostángeehíí sárdius holzéhi; gosts'idígeehíí chrýsolite holzéhi; tsebígeehíí béryl holzéhi; ngost'áígeehíí tópał holzéhi; gonenangeehíí chrýsoprasus holzéhi; łats'adahgeehíí jácínth holzéhi; ła'íí nakits'adahgeehíí ámethyst holzéhi be'ágołzaa. ²¹Dáádítłhíí nakits'adahíí díłkọhé lán ílíní, pearl holzéhi, nakits'adahgo be'alzaa: dała'a ntáągo pearl dała'a bíł ádaaszaa: kłh goznílí biyi' intínhíí dá óodo zhá dolyiini binkááyú got'ihíí k'ehgo alzaa. ²²Áígee da'ch'okąąh goz'aaníí doo hish'ii da: Bik'ehgo'ihí'nań nohweBik'ehń Dák'a'at'ehi hik'e dibetłí **biZhaazhé** nlíni bílgo dabíí da'ch'okąąh goz'aaníí daanłii. ²³Kłh goznílíge ya'ái ła'íí tł'é'gona'ái da'ádłh ndi doo daat'ée da: Bik'ehgo'ihí'nań bits'ą'ídíndłáádíí bee got'ii, ła'íí dibetłí **biZhaazhé** nlíni bee got'ihíí nłii. ²⁴Nnee íłtah at'éégo hadaazt'ii'í hadíí hasdákaíhíí, áí kłh goznílí bits'ą'ídíndłáádíí yee nakai doo: ła'íí ni'gosdzán biká' ízísigo nadaant'aahíí ízísigo ye'ádaat'eehíí hik'e daagodnłsiníí yił nihikáh doleeł. ²⁵Bidáádítłhíí jiiigo doo daná'detłh da: akú tł'é' ánágodłh. ²⁶Nnee íłtah at'éégo hadaazt'ii'í ízísigo ye'ádaat'eehíí hik'e daagodnłsiníí yił nihikáh doleeł. ²⁷Hadíí daanch'ó'í doo hagog'éégo ha'akáh da, nch'ó'go at'éégo ánát'iiłíí, ła'íí hadín lé'łch'oo'íí áldó' doo hagog'éégo ha'akáh da: hadín dibetłí **biZhaazhé** nlíni binaltsoos be'ihí'náhi bizhi' dahgoz'aaníí zhá ha'akáh doleeł.

22 ¹Áídí' tú be'ihí'náhi dolyiini ga'at'éégo binkááyú got'iiigo, Bik'ehgo'ihí'nań hik'e dibetłí **biZhaazhé** nlíni nadaant'aago dahskeedí' hálíigo, Bik'ehgo'ihí'nań binal'a'a shíł ch'í'nah áyíłlaa. ²Kłh goznílí ch'í'ítinyú íłn'í'yú, ła'íí tú nłíníí da'atł'izhíneé nel'ąągo ts'nt'áni be'ihí'náhi nádhikáad, áí nakits'adahyú at'éégo nánt'łh, dádaanántłhgee nest'ą' dała'áyú at'ehi dahnándah: bit'ąąhíí nnee íłtah at'éégo hadaazt'ii'í yee nádaadziihi. ³Áígee dénch'ó'go ágot'eehíí ánáđłh doo: áídí' Bik'ehgo'ihí'nań hik'e dibetłí **biZhaazhé** nlíni nadaant'aago dahskee doo; bánada'iziidíí daabokąąh doleeł: ⁴Binii daayo'ii doo; bizhi'íí bitá'gee dahnagoz'ąą doo.

⁵T'é' anádih doleeł; ik'ah ko'íi ła'íi ya'ái be'idindláadíi doo hagot'íi da; Bik'ehgo'ihí'nań nohweBik'ehń dabíi bá idindládi nlii doleeł: ła'íi doo ngonel'aą dayú dahazhí' nadaant'aa doo. ⁶Áidí' gánashiłdo'niid, Díi yati'íi ba'oln'íhi hik'e da'an'íhi at'éé: Bik'ehgo'ihí'nań nohweBik'ehń binkááyú nada'iziidi n'íi daadilzini daayokaąhń, k'ad ágonéhií bánada'iziidíi yił ch'í'nah ágole'híi bighą binal'a'á yaaká'dí'hi bich'í' daades'a'. ⁷Isaą, dák'adégo nánshdaał: díi naltsoos hagot'éégo ágolnéhgo benet'aaníi hadín yikísk'eh at'ééhíi biyaa gozhóq doleeł. ⁸Shíi, John, díi ágot'eehíi disiits'áą ła'íi hiłtsaą. Áík'ehgo disiits'aądí' hiłtsaągo, Bik'ehgo'ihí'nań binal'a'á ái shíł ch'í'nah áyíłlaahi biyahzhí' hayaa asdzaago hoshkaąh nkegonyaa. ⁹Nt'éégo gáshíłn'niid, Doo ágánt'íi da: shíi, ni, nik'isyú, Bik'ehgo'ihí'nań binkááyú nada'iziidi, hik'e díi naltsoos biyi'dí' yati'íi yikísk'eh ádaat'eehíi biłgo dała' nada'idziid. Bik'ehgo'ihí'nań zhą onkáąh. ¹⁰Gánashiłdo'niid, Díi naltsoos hagot'éégo ágonéhgo benet'aaníi bida'denłjéeh hela', biká' ngonyááhíi bighą. ¹¹Hadín doo dábiik'ehyú át'íi dahíi, án dayúweh ye'at'íi le': hadín dénchó'égo at'íiłhíi, án dayúweh ye'at'íi le': hadín nt'éégo at'ééhíi, án dayúweh nt'éégo at'éé le': ła'íi hadín dilziníi, dayúweh dilzi le'. ¹²Isaą, dák'adégo nánshdaał; koch'í' nada'ishńiłhíi bił nánshdáh, nńee dała'a ntíigo hagot'éégo ánánt'íidhíi bighą bich'í' na'ishńiłgo. ¹³Shíi Áłpha hik'e Oméga nshłii, begodeyáhi hik'e bengont'íi, dantséyúhi hik'e iké'yúhi. ¹⁴Bik'ehgo'ihí'nań yegos'aaníi yikísk'eh ádaat'eehíi biyaa daagozhóq doleeł, ái tsj'nt'áni be'ihí'náhi yaa dokaahgo bá goz'aą, ła'íi kįh goznílii ch'íná'itįhyú ch'ídokaahgo áłdó' bá goz'aą. ¹⁵Áidá' gósé, ídaanlgashi, nant'í' nakaihi, nńee nadaitseedi, nńee nadn'ái daayokaąhi, ła'íi dahadín lé'ichoohíi bił nzhóqgo dayúweh lé'íłchoohi doo ha'ádokaah da. ¹⁶Shíi, Jesus, shinal'a'á yaaká'dí'hi ha'ánázéh nagoznilyú díi bee nohwíł nagołni'go deł'a'. David bikeghad nshłii, hik'e David bits'á'dí'hi nshłii, ts'įłsoqsécho bits'á'idindíni nshłii. ¹⁷Holy Spirit hik'e isdzán ninéhi, Yushdé', daanii. Hadín idits'agi áłdó', Yushdé', nii le'. Hadín dibá' nliihíi hįgháh le'. Hadín hát'íinií tú be'ihí'náhi yodłaa, doo bighą nahi'niil dago. ¹⁸Nńee dała'a ntíigo díi naltsoos hagot'éégo ágonéhgo benet'aaníi daidits'agíi gádaabiłdishńii, Dahadín díi ínágodn'aąhíi, góyéégo ágot'eehíi díi naltsoos biyi' k'e'eshchiinií, Bik'ehgo'ihí'nań góyéégo godigháhíi bich'í' ínágodo'aal: ¹⁹Dahadín díi naltsoos hagot'éégo ágonéhgo benet'aaníi ła' hayiné'yúgo, Bik'ehgo'ihí'nań áłdó' naltsoos be'ihí'náhi biyi'dí', kįh godiyini goznílii biyi'dí', ła'íi díi naltsoos biyi' bek'e'eshchiinií biyi'dí' bíyéé zhinééhíi bits'á' hayiné' doleeł. ²⁰Díi yaa nagosni'íi gáníi, Da'anii shíi dák'adégo nánshdaał: Doleełgo at'éé. Da'anii Jesus, nohweBik'ehń, de'nnáh. ²¹Jesus Christ nohweBik'ehń biłgoch'oba'íi daanohwigha nohwich'í' begoz'aą le'. Doleełgo at'éé.